



五代史記卷第五十五

雜傳四十三

宋歐陽修撰徐無黨注明王文盛高澂傳汝舟校

劉昫涿州歸義人也昫為人美風儀與其兄昫弟昫皆以好學知名燕薊之間後為宗師王處直觀察推官處直為其子都所囚昫兄暄亦為然家所殺昫乃避之滄州唐莊宗即位拜昫太常博士以為翰林學士明宗時累遷兵部侍郎居職明宗素重昫而愛其風韻遷端明殿學士長興三年拜中書侍郎兼刑部尚書同中書門下平章事昫詣中興殿門謝是日大祠不坐昫入謝端明殿昫自端明殿學士拜相當時以此為榮廢帝入立遷吏部尚書門下侍郎監修國史初廢帝入問三司使王玫帑廩之數幾何玫言其數百萬及責以賞軍而無十一廢帝大怒罷玫命昫

無判三司昫性察而嫉三司蠹故尤甚乃旬計及簿覈其
 虛實殘租積負采蠲除之往時吏幸積年之負蓋而不發
 因以把持州縣求賄賂及昫一切蠲除民間歡然以為德
 而三司吏皆沮怨先是馮道與昫為姻家而同為相道罷
 李愚代之愚素惡道為人凡事有稽失者必指以請昫曰
 此公親家翁所為也昫性少容恕而愚特剛介遂相詆詬
 相府史吏惡此兩人剛直因其揚言其事聞廢帝並罷之
 以昫為右僕射是時三司諸吏提印聚立月華門外聞宣
 麻能昫相皆歡呼相賀曰自此我曹快活矣昫在相位不
 習典故初明宗崩太常卿崔居儉以故事當為禮儀使居
 儉辭以祖詒豸蝨馮道改居儉秘書監居儉決決失職中書
 舍人李詳為居儉誥詞有聞名心懼之語昫輒易曰有耻

且格居儉訴曰名諱有令式予何罪也當時聞者皆傳以
 為笑及為僕射入朝遇雨移班廊下御史臺史引僕射立
 中丞御史下昫詰吏以故事自宰相至臺史皆不能知是
 時馮道罷相為司空自隋唐以來三公無職事不特置及
 道為司空問有司班次亦皆不能知由是不入朝堂僕臺
 官兩省入而後入宰相出則隨而出至昫為僕射自以由
 宰相罷與道同乃隨道出入有司不能彈正而議者多竊
 笑之晉高祖時張從質反殺皇子重又於洛陽乃以昫為
 東都留守判鹽鐵開運中拜司空同中書門下平章事獲
 判三司勳舟犯京師昫以首疾罷為太保是歲卒年六十
 盧文紀字子持其祖簡不為唐大原節度使父嗣業官至
 右補闕文紀舉進士事梁為刑部侍郎集賢殿學士唐明

宗時為御史中丞初上事百官臺奏吏曰請道進奏官賀
文紀問當如何吏對曰朝廷在長安時進奏官見大夫中
丞如胥史自唐衰天子微弱諸侯疆成貢奉不至朝廷姑
息方鎮假借邸吏大夫中丞上事進奏官至客次通名勞
以茶酒而不相見相傳以為故事文紀曰吾雖德薄敢隳
舊制因遣吏諭之進奏官奮臂諠然欲去不得已入見文
紀據牀端笏臺吏通名替拜既出美怒不自勝訴於樞密
使安重誨重誨曰吾不知故事可上訴于朝即相率詣閣
門求見以狀訴明宗問宰相趙鳳進奏吏比外何官鳳曰
州縣發通知後之流也明宗怒曰乃吏卒爾安得慢吾法
官皆杖而遣之文紀又請復中外官校考法將相天子
自責其詔雖施行而官卒少考歲餘遷工部尚書文紀素

與宰相崔協有隙協除工部郎中于鄴文紀以鄴與其父
名同音大怒鄴赴省參上文紀不見之因請連假已而鄴
奉使未行文紀即出迎事鄴因醉忿自經死文紀坐貶石
州司馬久之為秘書監太常卿奉使于蜀過鳳翔時廢帝
為鳳翔節度使文紀為人形貌魁偉語音琅然廢帝奇之
後廢帝入立欲擇宰相問於左右左右皆言文紀及姚顛
有人望廢帝因采善清均善官姓名內琉璃餅中夜焚香呪
天以筋挾之首得文紀欣然相之乃拜中書侍郎同中書
門下平章事是時天下多事廢帝數以責文紀文紀因請
罷五日起居復唐故事開延英冀得從容奏議天下事廢
帝以謂五日起居明宗所以見羣臣也不可罷而使殿論
事可以從容何必延英因詔宰相有事不以時詣閣門請

對晉高祖起太原廢帝北征過拜徽陵休仗舍顧文紀曰
吾自鳳翔識卿不以常人為待自卿為相詢于輿議皆云
可致太平今日使吾至此卿宜如何文紀皇恐謝罪廢帝
至河陽文紀勸帝扼橋自守不聽晉高祖入立罷為吏部
尚書累遷太子太師致仕周太祖入立即拜司空于家卒
年七十六贈司徒

馬胤孫字慶生棗州商河人也為人儒暗少好學學韓愈
為文章舉進士為唐潞王從珂河中觀察支使從珂為揚
彥溫所逐罷居于京師里第胤孫從而不去從珂為京兆
尹徙鎮鳳翔胤孫常從之以為觀察判官潞王將舉兵反
與將吏韓昭胤等謀議曰定召胤孫告之曰受命移鎮路
出京師何向為便胤孫曰君命不可不俟駕今大王為國宗

屬而先帝新升天下臨喪赴鎮臣子之忠也左右皆笑其
愚然從珂心獨重之廢帝入立以為戶部郎中翰林學士
又之拜中書侍郎同中書門下平章事胤孫不通世務故
事多壅塞是時馮道罷匡國軍節度使拜司空司空自唐
已來無特拜者有司不知故事朝廷議者紛然或曰司空
三公宰相職也當參與大政而宰相盧文紀獨以謂司空
之職祭祀掃除而已胤孫皆不能決時劉昫亦罷相為僕
射右散騎常侍孔昭序建言當侍班常在僕射前胤孫責
御史臺檢例臺言故事無所見據今南北班位常侍在前
胤孫即判臺狀施行劉昫大怒崔居儉揚言于朝曰孔昭
序解語是朝廷無解語人也且僕射師長百寮中丞大夫
就班脩敬而常侍在南宮六卿之下况僕射乎昭序癡兒

宣識事體朝士聞居儉言流議稍息胤孫臨事多不能決
當時號為三不開謂其不開口以論議不開印以行事不
開門以延士大夫也晉兵起大原廢帝幸河陽是時勢已
危迫胤孫自洛來朝行在人皆冀其有所建言胤孫獻綾
三百匹而已晉高祖入立罷歸田里胤孫既學韓愈為文
故多斥浮屠氏之說及罷歸乃返學佛撰法喜集佛國記
行于世時人誦之曰佞清泰不徹乃來佞佛清泰廢帝年
號也人有戲胤孫曰公素慕韓愈為人而常誦佛之論
今反佞佛是佛佞公邪公佞佛邪胤孫答曰豈知非佛佞
我也時人傳以為笑後以太子賓客分司居于洛陽周廣
順中卒胤孫卒後其家婢有為胤孫語者初崔協為明宗
相在位無所發明既死而有降語其家胤孫笑然時人嘲

之曰生不能言死而後語云

姚顛字百真京兆長安人也少恣不脩容止時人莫之知
中條山處士司空圖一見以為奇以其女妻之舉進士事
梁為翰林學士中書舍人唐莊宗滅梁貶復州司馬已而
以為左散騎常侍兼吏部侍郎尚書左丞廢帝欲擇宰相
選當時清望官知名於世者得盧文紀及顛乃拜顛中書
侍郎同中書門下平章事顛為人仁恕不知錢陌銖兩之
數御家無法在相位齟齬無所為唐制吏部分為三銓尚
書一人曰尚書銓侍郎二人曰中銓東銓每歲集以孟冬
三旬而選盡季春之月天成中馮道為相建言天下未一
選人歲纔數百而吏部三銓分注雖曰故事其實徒繁而
無益始詔三銓合為一而尚書侍郎共行選事至顛與盧

文紀為相復奏分銓為二而循資長定舊格歲又多舛因
增損之選人多不使之往往邀遮宰相喧訴不遜頴等無
如之何廢帝為下詔書禁止晉高祖立罷頴為戶部尚書
卒年七十五卒之日家無餘貲尸不能斂官為賙贈乃能
斂聞者哀憐之

劉岳字昭輔洛陽人也唐民部尚書政會之八代孫宗龜
崇望其諸父也岳名家子好學敏於文辭善談論舉進士
事梁為左拾遺侍御史末帝時為翰林學士累官至兵部
侍郎梁亡貶筠州司馬復用為太子詹事唐明宗時為吏
部侍郎故事吏部文武官告身皆輸朱膠紙軸錢然後給
其品高者則賜之貧者不能輸錢往往但得敕牒而無告
身五代之亂因以為常官卑者無復給告身中書但錄其

制辭編為敕甲岳建言以謂制辭或任其材能或褒其功
行或申以訓誡而受官者既不給告身皆不知受命之所
以然非王言所以告詔也請一切賜之由是百官皆賜告
身自岳始也宰相馮道世本田家狀貌質野朝士多笑其
陋道旦入朝兵部侍郎任贊與岳在其後道行數反顧贊
問岳道反顧何為岳曰遺下兔園冊爾兔園冊者鄉校俚
儒教田夫牧子之所誦也故岳舉以誚道道聞之大怒徙
岳祕書監其後李愚為相遷岳太常卿初鄭餘慶常採唐
士庶吉凶書疏之式雜以當時家人之禮為書儀兩卷明
宗見其有起復冥昏之制歎曰儒者所以隆孝悌而敦風
俗且無金革之事起復可乎婚吉禮也用於死者可乎乃
詔岳選文學通知古今之士共刪定之岳與太常博士段

顯田敏等增損其書而其事出鄙俚皆當時家人女子傳習所見往往轉失其本然猶時有禮之遺制其後亡失愈不可究其本末其婚禮親迎有女坐婿鞍合髻之說尤為不經公卿之家頗遵用之至其父也又益訛謬可笑其類甚多岳卒于官年五十六贈吏部尚書子溫叟
嗚呼甚矣人之好為禮也在上者不以禮示之使人不見其本而傳其習俗之失者尚拳拳而行之五代干戈之亂不暇於禮又矣明宗武君出於夷狄而不通文字乃能有意使民知禮而岳等皆當時儒者卒無所發明但因其書增損而已然其後世士庶吉凶皆取岳書以為法而十又轉失其三四也可勝歎哉
馬縉不知其世家少舉明經又舉宏詞事梁為太常少卿

以知禮見稱于世唐貞宗時累遷中書舍人刑部侍郎權判太常卿明宗入立繼唐太祖太宗不立親廟編言漢諸侯王入繼統者必別立親廟光武皇帝立四親廟于南陽請如漢故事立廟以由孝享明宗下其議禮部尚書蕭武等請如編議宰相鄭珏等議引漢太祖靈為比以謂桓帝尊其祖解瀆亭侯淑為孝元皇父其長為孝仁皇請下有司定謚四代祖考為皇置園陵如漢故事事下太常博士王不議漢桓帝尊祖為孝穆皇帝父為孝崇皇帝編以謂孝穆孝崇有皇而無帝惟吳孫皓尊其父和為文皇帝不可以為法右僕射李琪等議祖同明宗詔曰五帝不相襲禮三王不相沿樂惟皇祖帝其世殊稱爰自嬴秦已蕪厥號朕居九五之位為億兆之尊奈何摠二名於躬躬惜一

字於先世乃命宰臣集百官於中書各陳所見李琪等請
尊祖禰為皇帝魯高為皇帝宰相鄭珽合羣議奏曰禮非天
降而本人情可止可行有指有先聖今議者引古以漢為據
漢之所制夫復何依開元時尊皇陶為德明皇帝涼武昭
王為興聖皇帝皆立廟京師此唐家故事也臣請四代祖
考皆加帝如詔直而立廟京師詔可其加帝而立廟應州
劉岳修書儀其所增損皆決於編編又言緣麻喪紀所以
別親疎辨嫌疑禮叔嫂無服推而遠之也唐太宗時有司
議為兄之妻服小功五月今有司給假為大功九月非是
廢帝下其議太常博士段顯議嫂服給假以大功者令文
也令與禮異者非一而喪服之不同有五禮姨舅皆服小
功令皆大功妻父母壻外甥皆服總令皆小功禮令之不

可同如此右贊善大夫趙咸又議曰喪與其易也寧戚儀
禮五服或以名加或因尊制推恩引義各有所當據禮為
兄之子妻服大功今為兄之子母服小功是輕重失其倫
也以名則兄子之妻踈因尊則嫂非卑嫂服大功其來已
久今國之典不可滅也司封郎中曹琛請下其議并以禮
令之違者定議詔尚書省集百官議左僕射劉昫等議曰
令於喪服無正文而嫂服給大功假乃假寧附令而敕無
年月請凡喪服皆以開元禮為定下太常具五服制度附
于令今有五服自縞始也縞明宗時常坐覆獄不當貶紱
州司馬復為太子賓客遷戶部兵部侍郎盧文紀作相以
其迂儒鄙之改國子祭酒卒年八十贈兵部尚書
崔居儉清河人也相彘父堯皆為唐名臣居儉美文辭風

骨清秀少舉進士梁貞明中為中書舍人翰林學士御史
中丞唐莊宗時為刑部侍郎太常卿崔氏自後魏隋唐與
盧鄭皆為甲族吉凶之事各著家禮至其後世子孫專以
明望自高為世所嫉明宗崩居儉以故事為禮儀使居儉
以祖諱彘辭不受宰相馮道即徙居儉為祕書監居儉歷
兵吏部侍郎尚書左丞戶部尚書晉天福四年卒年七十
贈右僕射居儉拙於為生居顯官衣常之死之日貧不能
葬聞者哀之

崔悅字子文深州安平人也父承唐末為刑部郎中悅少
好學頗涉經史工於文辭遭世亂寓居于滑臺不遊里巷
者十餘年人罕識其面梁貞明三年舉進士甲科開封尹
王瓚辟掌奏記悅性至孝其父承病不省服藥曰死生有

命何用樂為悅屢進醫藥

不納母負各問疾者悅輒迎拜

門外泣涕而告之承終不眠

明宗以為監察御史不拜

翰林學士晉高祖時以戶部侍郎為學士承旨權知天福

二年貢舉初悅為學士嘗草制為宰相桑維翰所改悅以

唐故事學士草制有所改者當罷職乃引經據爭之維翰

頗不樂而悅少專於文學不能泣事維翰乃命悅知具舉

悅果不能舉職時有進士孔英者素有醜行為當時所惡

悅既受命往見維翰維翰素貴嚴尊且而語簡謂悅曰孔英

來矣悅不諭其意以謂維翰以孔英為言乃考英及第物

議大以為非即罷學士拜尚書左丞遷太常卿八年高祖

詔太常復文武二舞詳定正文朝會禮及樂章自唐末之

亂禮樂制度亡失已久校與御史中丞竇貞固刑部侍郎
呂琦禮部侍郎張弘等草定之其年冬至高祖會朝崇元
殿廷設宮縣二舞在北登歌在上文舞郎八佾六十有四
人冠進賢黃紗袍白中單白練襪禮白布大口袴革帶履
左執籥石秉翟執纛引者二人武舞郎八佾六十有四人
服平巾積緋絲布大袖綉縵甲金飾白練襪錦勝蛇起梁
帶豹文大口袴烏靴左執干右執戚執旌引者二人加鼓
吹十二按負以能射以象百獸率舞按設羽葆鼓一大鼓
一金鐃一歌蕭笳各二人王公上壽天子舉爵奏多同三
舉登歌奏文同舉食文舞舞昭德武舞舞成功之曲禮畢
高祖大悅賜稅金帛群臣左右觀者皆自嗟歎之然禮樂廢
久而制作簡繆文繼以龜茲部霓裳法曲參亂雅音其樂

工舞郎多教坊以八百工商賈州縣避役之人又無老師
良工教習明年正月復奏于廷而登歌發聲悲雜煩慙如
薤露虞殯之音無舞者行列進退皆不應節聞者皆悲憤其
年高祖崩柩以風泐改太子賓客分司西京以卒開運二
年太常少卿陶穀奏廢二舞明年契丹滅晉邪律德光入
京師太常請備法駕奉迎樂工教習且因簿鼓吹都人聞者
為之流涕焉

李懌京兆人也少好學頗工文辭唐末舉進士為祕書省
校書郎集賢校理唐二事梁為監察御史累遷中書舍人
翰林學士梁末亡責授懷州司馬遇赦量移稍遷衛尉少卿
天成中復為中書舍人翰林學士累遷尚書右丞承旨時
右散騎常侍張文寶知貢舉所放進士中書有覆落者乃

下學士院作詩賦為首舉格學士竇夢徵張礪等所作不
工乃命憚為之憚笑曰予少舉進士登科蓋偶然爾後生
可畏來者未可量假令予復就禮部試未必不落第安能
與英俊為准格聞者多其知體後遷刑部尚書分司洛陽
卒年七十餘

五代史記卷第五十五

五代史記卷第五十六

雜傳四十四

宋歐陽脩撰徐無黨注明汪受盛高澂傳浚府校

和凝字成績鄆州須昌人也其九世祖逢堯為唐監察御
史其後世遂不復宦學凝父矩性嗜酒不拘小節然獨好
禮文士每傾貲以交之以故凝得與之游而凝幼聰敏形
神秀發舉進士梁義成軍節度使質瓌辟為從事瓌與唐
莊宗戰于胡柳瓌戰敗脫身走獨凝隨之及顧見凝麾之
使去凝曰大丈夫當為知己死吾恨未得死所爾豈可去
也已而一騎追瓌幾及凝叱之不止即引弓射殺之瓌由
此得免瓌歸戒其諸子曰和生志義之士也後必富貴爾
其謹事之因妻之以女天成中拜殿中侍御史累遷主客
員外郎知制誥翰林學士知音輿是時進士多浮薄喜為

誼譁以動主司主司毋放榜則圍之以棘閉省門絕人出入以為常凝徹棘開門而士皆肅然無譁所取皆一時之秀稱為得人晉初拜端明殿學士兼判度支為翰林學士承旨晉高祖數召之問以時事凝所對皆稱旨大福五年拜中書侍郎同中書門下平章事高祖將幸鄴而襄州安從進反迹已見凝曰陛下幸鄴從進必因此時反則將奈何高祖曰卿將何以待之凝曰先人者所以奪人也請為宣敕十餘通受之鄭王有急則命將擊之高祖以為然是時鄭王為開封尹留不從幸乃受以宣敕高祖至鄴從進果友鄭王即以宣敕命騎將李建崇焦繼勳等討之從進謂高祖方幸鄴不意晉兵之速也行至花山遇建崇等兵以為神遂敗走出帝即位加右僕射歲餘罷平章事遷左

僕射漢高祖時拜太子太傅封魯國公顯德二年卒年五十八贈侍中凝好飾車服為文章以多為富有集百餘卷嘗自鏤板以行于世識者多非之然性樂善好稱道後進之士唐故事知貢舉者所放進士以已及第時名次為重凝舉進士及第時第五後知貢舉選范質為第五後質位至宰相封魯國公官至太子太傅皆與凝同當時以為榮焉

趙瑩字玄暉華州華陰縣人也為人純厚美風儀事梁將康延孝為從事晉高祖為保義軍節度使以瑩掌書記自是徙鎮常以瑩從高祖將起兵太原以問諸將吏將吏或贊成之瑩獨懼形于色勸高祖母及高祖雖不用其言心甚愛之高祖即位拜翰林學士承旨戶部侍郎同中書門

下平章事累拜中書令出為平昌軍節度使開封尹是時
出帝童昏馮玉李彥韜等用事與葉維翰爭權乃共譖去
之以瑩柔而易制故復引以為相契丹滅晉瑩從出帝北
徙虜中瑩事兀欲為太子太保周太祖時與契丹通好遣
尚書左丞田敏使于契丹遇瑩于幽州瑩見敏悲不自勝
瑩子易則易從當其徙而北也與易從俱而易則留事漢
官至刑部郎中後瑩病將卒告于契丹願以尸還中國契
丹許之及卒遣易從護其喪南歸太祖憐之贈瑩太傅葬
于華陰

馮玉字璟臣定州人也少舉進上不中馮質為河東節度
使辟為推官入拜監察御史累遷禮部郎中為鹽鐵判官
晉出帝納玉姊為后玉以后戚知制誥拜中書舍人玉不

知書而與殷鵬同為舍人制誥常遣鵬代作頃之王出為
潁州團練使拜端明殿學士戶部侍郎遷樞密使中書侍
郎同中書門下平章事是時出帝童昏馮皇后用事電國
大務一決於王王嘗有疾在告自刺史已上宰相不敢除
授以俟王決王除中書舍人盧價為工部侍郎葉維翰以
價資鈔淺淺為不可由是與維翰有隙維翰由此罷相王為
相四方賄積貲鉅萬契丹滅晉張彥澤先以兵入京師兵
士爭先入王家其貲一夕而盡明日見彥澤猶謂笑自言
願得持晉王璽獻契丹以冀恩獎彥澤不納出帝之北王
從入契丹契丹以為太子太保周廣順二年其子傑自契
丹逃歸王懼以憂卒

盧質字子徵河南人也父約王唐司勳郎中質幼聰慧善屬

文事唐為祕書郎丁母憂解職後去遊太原晉王以為河
東節度掌書記質與張承業等定議立莊宗為嗣莊宗將
即位以質為大禮使拜行臺禮部尚書莊宗即位欲以質
為相質性疎逸不欲任責因固辭不受拜太原尹北京留
守遷戶部尚書翰林學士從平梁權判租庸遷兵部尚書
後為學士承旨仍賜論思匡佐功臣天成元年拜匡國軍
節度使三年拜兵部尚書判太常卿事歷鎮河陽橫海初
梁已篡唐封哀帝為濟陰王既而醜殺之處于曹州同光
三年莊宗將議改葬而曹太后崩乃止因質故壠稍廣其
封以時薦饗而已質乃建議立廟追謚曰昭宣光烈孝
皇帝廟號景宗天成四年八月戊申明宗御文明殿遣質
奉冊立廟于曹州而議者以謂輝王不立于為賊臣所立而

昭宗何皇后昆首為梁所弑遂以亡國而昭宣光烈非所宜
稱且立廟稱宗而不入太廟皆非是共以此非質大臣亦
知其不可乃奏去廟號秦王從榮坐謀反誅質以右僕射
權知河南府事廢帝反鳳翔敗帝發兵誅之竭帑歲以厚
賞而兵至鳳翔皆叛降廢帝悉將而東事成許以重賞而
軍士皆過望廢帝入立有司獻籍數甚少廢帝暴怒自諸
鎮至刺史皆進錢帛助國用猶不足三司使王玫請率民
財以佐用乃使質與玫等共議配率而貧富不均怨訟並
起囚繫滿獄六七日間所得不滿十萬廢帝患之乃命質
等借民屋課五月由是民大咨怨晉高祖入立質以疾分
司西京拜太子太保卒年七十六贈太子太師謚曰文忠
呂琦字輝山幽州安次人也父充為橫海軍節度判官節

度使劉守文與其弟守光以兵相攻守文敗死其吏民立其子延祚而事之以交為謀主已而延祚又為守光所敗充見殺守光怒交奔族其家琦年十五見執將就刑充故客趙王給其監者曰此吾弟也監者信之縱琦去王與琦得俱走琦足弱不能行王負之而行逾數百里變姓名乞食于道以免琦為人美風儀重節槩少喪其家游學汾晉之間唐莊宗鎮太原以為代州軍事推官後為橫海趙德鈞節度推官入為殿中侍御史明宗時為駕部員外郎兼侍御史知雜事河陽主藏吏盜所監物下軍巡獄吏尹訓納賂反其獄其冤家訴于朝下御史臺按驗得訓贓狀奏攝訓赴臺訓為安重誨所庇不與琦請不已訓懼自殺獄乃辨蒙活者甚眾歲餘遷禮部郎中史館脩撰長興中

廢帝失守河中罷居清化坊與琦同巷琦數往過之後廢帝入立待琦甚厚拜知制誥給事中樞密院直學士端明殿學士是時晉高祖鎮河東有貳志廢帝患之琦與李崧俱備顧問多所裨畫琦言太原之患必引契丹為助不如先事制之自明宗時王都反定州契丹遣禿餒前刺等助都而為趙德鈞王晏球所敗禿餒見殺前刺等皆送京師其後契丹數遣使者求前刺等其辭甚卑恭明宗輒斬其使者不報而東丹王又亡入中國契丹由此數欲求和琦因言方今之勢不如與契丹通和如漢故事歲給金帛妻之以女使疆藩大鎮顧外無所引援可弭其亂心崧以琦語語三司使張延朗延朗欣然曰苟能行國患歲費縣管十數萬緡責吾取足可也因共建其事廢帝大喜佗日以

琦等語問樞密直學士薛文遇文遇大以為非因誦戎昱社稷依明主安危託婦人之詩以誚琦等廢帝大怒急召崧琦等問和我計如何琦等察帝色怒亟曰臣等為國計非與契丹求利於中國也帝即發怒曰卿等佐朕欲致太平而若是邪朕一女尚幼欲棄之夷狄金帛所以養士而扞國也又輸以資虜可乎崧等惶恐拜謝拜無數琦足力乏不能拜而先止帝曰呂琦疆項肯以人主視我邪琦曰臣素病羸拜多而乏容臣少息頃之端定奏曰陛下以臣等言非罪之可也雖拜何益帝意稍解曰勿拜賜酒一卮而遣之其議遂寢因遷琦御史中丞居數月復為端明殿學士其後晉高祖起太原果引契丹為助遂以亡唐琦事晉為祕書監累遷兵部侍郎天福八年卒趙王仕至職方

員外郎琦事之如父王疾親嘗藥扶持及卒為其家主辨喪葬王子文度幼孤琦教以學如已子後舉進士及第云琦有子餘慶端

薛融汾州平遙人也少以儒學知名唐明宗時為右補闕直弘文館晉高祖鎮太原融為觀察判官高祖徙鄆欲據太原拒命延見賓佐問以可否而坐中或贊成之或恐懼不敢言融獨從容對曰融本儒生爾軍旅之事未嘗學也進退存亡之理豈易言哉高祖不之責也高祖入立拜吏部郎中兼侍御史知雜事累拜左諫議大夫遷中書舍人融曰文辭非臣所長也遂辭不拜時詔修洛陽大內融上疏切諫高祖褒納其言即詔罷罷其役遷御史中丞改尚書右丞分司西京卒年六十

何澤廣州人也父鼎唐末為容管經略使澤少好學長於
歌詩舉進士為洛陽令唐莊宗好畋獵數踐民田澤乃潛
身伏草間伺莊宗當馬諫曰陛下未能一天下以休兵而
暴斂疲民以給軍食今田將熟奈何恣畋游以害多稼使
民何以出租賦吏何以督民耕陛下不聽臣言願賜臣死
於馬前使後世知陛下之過莊宗大笑為之止獵拜倉部
郎中明宗時數上書言事明宗幸汴州又欲幸鄴而人情
不便大臣屢言不聽澤伏閣切諫明宗嘉之拜吏部郎中
史館修撰澤外雖直言而內實邪佞嘗於內殿起居班退
獨留以笏叩額北望而呼曰明主明主聞者皆唾之五代
之際民苦於兵往往因親疾以割股或既喪而割乳廬墓
以規免州縣賦役戶部歲給蠲符不可勝數而潁州縣出

紙號為蠲紙澤上書言其敝明宗下詔悉廢戶部蠲紙澤
與宰相趙鳳有舊數私于鳳求為給諫鳳薄其為人以為
太常少卿敕未出而澤先知之即稱新官上章自訖章于
中書鳳等言澤未拜命而稱新官輕侮朝廷請坐以法乃
以太僕少卿致仕居于河陽澤時年已七十尚希仕進即
遣婢宜子詣鳳上章言事請立秦王為皇太子秦王素驕
多不軌遂成其禍由澤而始晉高祖入立召為太常少卿
以疾卒于家

王權字秀山太原人也唐左僕射起之曾孫父堯官至右
司郎中權舉進士為右補闕唐亡事梁為職方員外郎知
制誥翰林學士累遷御史中丞唐莊宗滅梁貶權隨州司
馬起為右庶子累遷戶部尚書晉高祖時為兵部尚書是

時高祖以人事勅丹權當奉使歎曰我雖不才安能稽顙
於穹廡乎因辭不行坐是停任踰年以太子少傅致仕卒
年七十八贈左僕射

史圭常山石邑人也為人明敏好學為寧晉樂壽縣令有
善政縣人立碑以頌之郭崇韜鎮成德辟為從事明宗時
為尚書郎安重誨為樞密使薦圭直學士故事直學士職
雖清而承領文書參掌庶務與判官無異重誨素不知書
倚圭以備顧問始白許圭升殿侍立樞密直學士升殿自
圭始改尚書右丞判吏部銓事重誨敗死圭出為貝州刺
史罷歸常山閉門絕人事出入閭里乘輜軒車晉高祖立
召拜刑部侍郎監鐵副使遷吏部侍郎分知銓事有能名
以疾罷卒于常山

龍敏字欲訥幽州永清人也少仕州攝參軍劉守光亂敏
避之滄州遂客於梁久不調敏素善馮道道為唐莊宗從
事乃潛往依之監軍張承業謂道曰聞子有客可與俱來
道以敏見承業承業辟敏監軍巡官使掌奏記莊宗即位
召拜司門員外郎敏又感武年七十餘而其祖父年九十
餘皆在艱敏乃求為興唐君事祖父以孝聞丁母憂去職
趙在禮反逼敏起視事明宗即位禮鎮滄州敏乃復得
居喪服除累拜兵部侍郎馮質留守北京辟敏副留守質
入為樞密使敏拜吏部侍郎是時晉高祖起太原乞丘契
丹唐廢帝在懷州趙德鈞父子有異志張敬達屯于晉安
勢甚危急廢帝問計從臣敏曰晉所恃者劫舟也東丹王
失國之君今在京師若以兵送東丹自幽州而入西樓契

丹且有內顧之憂何暇助晉晉失契丹大事去矣又謂李懿曰敏燕人也能知德鈞德鈞為將守城嬰斬驚勵健兒而已使其當大敵奮不顧身非其能也況有異志乎今聞駕前之馬猶有五千願得壯者千匹健兵千人與勇將即萬金自平遙沁山冒虜中而趨官崑崙且戰且行得其半達則事濟矣懿為言曰廢帝廢帝莫能用然人皆壯其大言歷晉為太常卿使于吳越吳越者見吳越王皆下拜敏獨揖之還遷工部侍郎乾祐元年虜發於首卒贈右僕射

五代史記卷第五十六

五代史記卷第五十七

雜傳四十五

宋歐陽脩撰徐無黨注明汪文盛高穀傳汝舟校

李崧深州饒陽人也崧幼聰敏能文章為鎮州參軍唐魏王繼岌為興聖宮使領鎮州節度使以推官李蕤掌書記崧謂掌書呂承曰魏王皇子天下之望書奏之職非堯所當柔崧使崧代為之以示虛質馮道等皆以為善乃以崧為興聖宮巡官拜協律郎繼岌與郭崇韜伐蜀崧掌書記繼岌已破蜀劉皇后聽讒者言陰遣人之蜀教繼岌殺崇韜人情不安崧入見繼岌曰王何為作此危事誠不能容崇韜至洛誅之何晚今遠軍五千里不見咫尺之詔而殺大臣動搖人情是召亂也繼岌曰吾亦悔之奈何崧乃召書吏三四人登樓去梯夜以黃紙作詔書倒用都統

印明曰告諭諸軍人心乃定師還繼而及死於道崧至京師
任園判三司用崧為監鐵判官以內憂去職還鄉里服除
范延光居鎮州辟崧掌書記延光為樞密使崧拜拾遺直
樞密院累遷戶部侍郎端明殿學士長興中明宗春秋高
秦王從榮多不法晉高祖為六軍副使懼禍及求出外藩
是時契丹入鴈門明宗選將以捍太原晉高祖欲之樞密
使范延光趙延壽等議將久不決明宗怒甚責延壽等延
壽等惶恐欲以康義誠應選崧獨曰太原國之北門宜得
重臣非石敬瑭不可也由是從崧議晉高祖深德之陰遣
人謝崧曰為浮屠者必合其大蓋欲使崧終始成已事也
其後晉高祖以兵入京師崧竄匿伊闕民家晉高祖召為
戶部侍郎拜中書侍郎同中書門下平章事兼樞密使丁

內艱起復高祖崩出帝即位以崧兼判三司與馮玉對掌
樞密是時晉兵敗契丹於陽城趙延壽在幽州詐言思歸
以誘晉兵崧等信之初漢高祖在晉掌親軍為侍衛都指
揮使與杜重威同制加平章事漢高祖恥之怒不肯謝晉
高祖遣和凝諭之乃謝其後漢高祖出居太原重威代為
侍衛使崧亦數稱重威之材於是漢高祖以崧為排己深
恨之崧又信延壽之詐以為然卒以重威將大兵其後敗
于中渡晉遂以亡契丹耶律德光犯京師德光素聞延壽
等稱崧為人及入京師謂人曰吾破南朝得崧一人而已
乃拜崧太子太師契丹北還命崧以族俱行留之鎮州其
後麻荅奔鎮州崧與馮道等得還高祖素不悅崧又為怨
者譖之言崧為契丹所厚故崧遇漢權臣常惕惕為謙謹

莫敢有所忤漢高祖入京師以崧第賜蘇逢吉崧家遭亂
多埋金寶逢吉悉有之而崧弟嶼義與逢吉子弟同舍酒
酣出然言以為奪我第崧又以宅券獻逢吉逢吉尤不喜
漢法素嚴楊邠史弘肇多濫刑法嶼僕葛延遇為嶼商賈
多乾沒其貲嶼咎責之延遇夜宿逢吉部曲李澄家以情
告澄是時高祖將葬唐陵河中李守貞反澄乃教延遇告
變又言崧與其甥王凝謀因山陵放火焚京師又以蠟丸書
通守貞逢吉遣人召崧至第從容告之崧知不免乃以幼
女託逢吉逢吉送崧侍衛獄崧出乘馬從者公無一人崧
恚曰自古豈有不死之人然亦豈有不亡之國乎乃自誣
伏族誅崧妻與翰林學士徐白符相善後周太祖入立白
符告宰相馮道請誅葛延遇道以延遇數經赦宥難之樞

密使王峻聞之多台符有義乃奏誅延遇

李鱗唐宗室子也其伯父陽事唐咸通間為給事中鱗少
舉進士累不中客河朔間自稱清海軍掌書記謁定州王
處直處直不為禮乃易其綠衣更為緋衣謁常山李弘規
弘規進之趙王王鎔鎔留為從事其後張文禮弒鎔自立
遣鱗聘唐莊宗於太原鱗為人利口敢言乃陰為莊宗畫
文禮可破之策後文禮敗莊宗以鱗為支使莊宗即位拜
鱗宗正卿以李瓊為少卿獻祖懿祖墓在趙州昭慶縣唐
國初建鱗瓊上言獻祖宣皇帝建初陵懿祖光皇帝啓運
陵請置臺去縣中無賴子自稱宗子者百餘人宗正無譜
謀莫能考按有民詣寺自言世為丹陽竟陵臺令厚賂宗
正吏鱗瓊不復詳考遂補為令民即持絳幡招置部曲侵

奪民田百餘頃以調陵園墾地民訴于官不能決以聞莊
宗下公卿博士問故唐諸帝陵寢所在公卿博士言丹陽
在今潤州而竟陵非唐事鱗不學無知不足以備九卿坐
貶司農少卿出為河中節度副使明宗即位以鱗故人召
還累遷戶部尚書鱗意頗希大用嘗謂馮道趙鳳曰唐家
故事宗室皆為宰相今天祚中興宜按舊典鱗雖不才嘗
事莊宗霸府識今天子於藩邸論才較業何後衆人而久
真班行於諸君安乎道等惡其言後楊溥謀者見鱗言事
鱗謂安重誨曰楊溥欲歸國久矣若朝廷遣使諭之可以
召也重誨信之以玉帶與謀者使為信久而無效由是貶
鱗交州行軍司馬鱗與廢帝有舊廢帝時為兵部尚書奉
使湖南聞廢帝立喜以謂必用已為相還過荆南謂高從

誨曰士固有否泰吾不為時用久矣今新天子即位我將
用矣乃就從誨求寶貨入獻以為賀從誨與馬紅裝拂二
裸然皮一因為鱗置酒問其副使馬承翰今朝廷之臣孰
有公輔之望承翰曰尚書崔居儵左承姚顓其次太常盧
文紀也從誨笑顧左右取進奏官報狀示鱗顓與文紀皆
拜平章事矣鱗斬失色還遂獻其皮拂廢帝終不用初李
愚自太常卿作相而盧文紀代之及文紀作相鱗乃求為
太常卿及拜命中謝曰臣叨入相之資朝士傳以為笑鱗
事晉累遷太子太保漢高祖即位拜鱗司徒居數月卒年
八十八贈太傅

賈緯鎮州獲鹿人也少舉進士不中州辟為軍唐天成中
范死光鎮成德辟趙州軍事判官遷石邑令緯長於史學

唐自武宗已後無實錄史官之職歷緯米次傳聞為唐年
補錄六十五卷當唐之末主室微弱諸侯彊盛征伐擅出
天下多事故緯所論次多所闕誤而喪亂之際事迹粗存
亦有補於史氏晉天福中為太常博士非其好也數求為
史職改屯田員外郎起居郎史館脩撰與脩唐書丁內艱
服除知制誥累遷中書舍人諫議大夫給事中復為脩撰
漢隱帝時詔與王仲實嚴等同脩晉高祖出帝漢高祖實
錄初卒維翰為相常惡緯為人待之甚薄緯為維翰傳言
維翰死有銀八千錠翰林學士徐台符以為不可數以非
緯緯不得已更為數千錠廣順元年實錄成緯求遷官不
得由是怨望是時宰相王峻監修國史緯書日曆多言當
時大臣過失峻見之怒曰賈給事子弟仕宦亦要門閥柰

何歷詆當朝之士使其子孫何以仕進言之高祖貶平盧
軍行軍司馬明年卒于青州

段希堯河內人也晉高祖為河東節度使以希堯為判官
高祖軍屯忻州軍中有擁高祖呼萬歲者高祖惶惑不知
所為希堯勸高祖斬其亂首乃止高祖將舉兵於太原與
其賓佐謀希堯以為不可高祖雖不聽然重其為人不可
責也高祖入立希堯比諸將吏因澤最薄久之稍遷諫議
大夫使于吳越時江淮不通凡使吳越者皆泛海而多
風波之患希堯過海遭大風左右皆恐懼希堯曰吾平生
不欺汝等恃吾可無恐也已而風亦止歷萊懷棣三州刺
史出帝時為吏部侍郎判東西銓事累遷禮部尚書卒年
七十九贈太子少保

張允鎮州人也少事州為張文禮忝軍唐莊宗討張文禮
允脫身降莊宗繫之獄文禮敗乃出之為魏州功曹趙在
禮辟節度推官歷滄交二鎮掌書記入為監察御史累遷
水部員外郎知制誥廢帝皇帝重美為河南尹掌六軍以
允剛介乃拜允給事中為六軍判官罷遷左散騎常侍晉
高祖即位屢赦天下允為駁放論以獻曰管子曰凡赦者
小利而大害又不勝其禍無赦者小害而大利又不
勝其福又漢之吳漢疾篤帝問漢所欲言漢曰惟願陛下
無赦爾蓋行赦不以為因心不行赦不以為無恩罰有罪故
也自古皆以水旱則降德音而宥過開徃牢而出囚冀感
天心以救其灾者非也假有一人之訟者一有罪而一無
罪若有罪者見捨則無罪者嗚冤此乃致灾之道非救灾

之術也至使小人遇天灾則皆喜而相勸以為惡曰國將
赦矣必捨我以救灾如此則是教民為惡也夫天之為道
福善而禍淫若捨惡人而變灾為福則是天又喜人為惡
也凡天之降灾所以警戒人主節嗜欲務勤儉恤鰥寡正
刑罰而已是時晉高祖方好臣下有言覽之大喜允事漢
為吏部侍郎隱帝誅戮大臣京師皆恐允常退朝不敢還
家止于相國寺周太祖以兵入京師允匿于佛殿承塵墜
而卒年六十五

王松又徽為唐僖宗宰相松舉進士後唐時歷刑部郎中
唐末從事方鎮晉高祖鎮太原辟松節度判官晉高祖即
位拜右諫議大夫累拜工部尚書出帝北遷蕭翰立許王
從益於京師以松為左丞相漢高祖入洛先遣人馳詔東

京百官嘗授偽命者其具之使勿自疑由是御史臺采斂百官偽勅林之松以手指其脅引郭子儀自誦以語人曰此乃二十四考中書令也聞者笑之後松子仁寶為李守貞河中支使守貞反松以子故上書自陳高祖憐之但使解職而已松有田城東歲時往來京師以疾卒

裴暉字司東河東人也裴氏自晉魏以來世為名族居燕者號東眷居涼者號西眷居河東者號中眷暉出於名家而容止端秀性剛急直而無隱少好學唐光化中舉進士拜校書郎拾遺補闕事梁為翰林學士中書舍人事後唐為禮部侍郎暉喜論議每陳朝廷闕失多斥權臣改太子賓客以老拜兵部尚書致仕高祖起為工部尚書復以老告拜右僕射致仕卒年八十五贈太子太保暉以文學在

朝廷父宰相馬胤孫素維翰皆暉禮部所放進士也後胤孫知舉放榜引新進士頭暉喜作詩曰門生門下見門生世傳以為榮維翰已作相嘗過暉暉不迎不送人或問之暉曰我見素公於中書庶寮也素公見我於私第門生也何送迎之有人亦以為當

王仁裕字德輦天水人也少不知書以狗馬彈射為樂年二十五始就學而為人雋秀以文辭知名秦隴間

撫本有
此三字

秦帥辟為秦州節度判官于蜀仁裕因事蜀為中書舍人翰林學士唐莊宗平蜀仁裕事唐復為秦州節度判官王思同鎮興元辟為從事思同留守西京以為判官廢帝舉兵鳳翔思同戰敗廢帝得仁裕聞其名不殺實之軍中自廢帝起事至其入立馳檄諸鎮詔書告命皆仁裕為之

之以都官郎中充翰林學士晉高祖入立罷職為郎中歷
司封左司郎中諫議大夫漢高祖時復為翰林學士承旨
累遷戶部尚書罷能為兵部尚書太子少保顯德三年卒年
七十七贈太子少師仁裕性晚音律晉高祖初定雅樂宴
群臣於永福殿奏黃鐘仁裕聞之曰音不純肅而無和聲
當有爭者起於禁中已而兩軍校鬪昇龍門外聲聞于內
人以為神喜為詩其少也嘗夢剖其腸胃以西江水滌之
顧見江中沙石皆為篆籀之文由是文思益進乃集其平
生所作詩萬餘首為百卷號西江集仁裕與和凝於五代
時皆以文章知名又嘗知貢舉仁裕門生王溥凝門生范
質皆至宰相時稱其得人
裴羽字用化其父贄相唐僖宗官至司空羽以一品子為

河南壽安尉事梁為御史臺主簿改監察御史唐明宗時
為吏部郎中與右散騎常侍陸崇使于閩為海風所颺至
錢塘是時吳越王錢鏐與安重誨有隙唐方絕鏐朝貢羽
等被留經歲而崇以疾卒後鏐遣羽還羽求載崇尸與俱
歸鏐初不許羽以語感動鏐鏐惻然許之因附羽表自歸
明宗得鏐表大喜由是吳越復通於中國羽護崇喪至京
師及其橐裝還其家士人皆多羽之義羽周太祖時為左
散騎常侍卒贈戶部尚書

王延字世美鄭州長豐人也少好學嘗以賦謁梁相李琪
琪為之稱譽薦為郎黑肱縣令馮道作相與延故人召拜左
補闕遷水部員外郎知制誥拜中書舍人權知貢舉吏部
尚書盧叟紀與故相崔協有隙是時協子頎方舉進士文

紀謂延曰吾嘗譽子于朝貢舉選事當求實効無以虛名
取人昔有越人善泅生子方晬其母浮之水上人恠而問
之則曰其父善泅子必能之若是可乎延退而笑曰盧公
之言為崔協也恨其父遂及其子邗明年選順甲科人皆
稱其公累遷刑部尚書以太子少保致仕卒年七十三延
為人重然諾與其弟規相友愛五代之際稱其家法焉
馬重績字洞微其先出於北狄而世事軍中重績少學數
術明太一五紀八象三統大曆居于太原唐莊宗鎮太原
每用兵征伐必以問之重績所言無不中拜大理司直明
宗時廢不用晉高祖以太原拒命廢帝遣兵圍之勢甚危
急命重績筮之遇同人曰天火之象乾健而離明健者君
之德也明者南面而嚮之所以治天下也同人者人所同

也必有同我者焉易曰戰乎乾乾西北也又曰相見乎離
離南方也其同我者自北而南乎乾西北也戰而勝其九
月十月之交乎是歲九月契丹助晉擊敗唐軍晉遂有天
下拜重績太子右贊善大夫遷司天監明年張從賓反命
重績筮之遇隨曰南瞻析木木不自續唐而動之動隨其
覆歲將秋矣無能為也七月而從賓敗高祖大喜賜以良
馬器幣大福二年重績上言曆象王者所以正一氣之元
宣萬邦之命而古今所紀考審多差宣明氣朔正而星度
不驗崇玄五星得而歲差一日以宣明之氣朔合崇玄之
五星二曆相參然後符合自前世諸曆皆起天正十一月
為歲首用太古甲子為上元積歲愈多差闕愈甚臣輒合
二曆創為新法以唐天寶十四載乙未為上元雨水正月

中氣為氣首詔下司天監趙仁錡張文皓等考覈符失仁
錡等言明年庚子正月朔用重績曆考之皆合無舛乃下
詔班行之號調元曆行之數歲輒差遂不用重績又言漏
刻之法以中星考晝夜為一百刻八刻六十分刻之二十
為一時時以四刻十分為正此自古所用也今失其傳以
午正為時始下侵未四刻十分而為午由是晝夜昏曉皆
失其正請依古改正從之重績卒年六十四
趙延義字子英秦州人也曾祖自躬通數術避亂于蜀父
溫珪事蜀王建為司天監每為建占吉凶小不中輒加詰
責溫珪臨卒戒其子孫曰數術吾世業然吾在亂國得罪
而幾死者數矣子孫能以佗道仕進者不必為也然延義
少亦以此仕蜀為司天監蜀亡仕唐為星官延義兼通三

式頗善相人劫舟滅晉延義隨虜至鎮州李筠白再榮謀
逐麻答歸漢猶豫未決延義假述數術贊成之周太祖自
魏以兵入京師太祖召延義問漢祚短促者天數邪延義
言王者撫天下當以仁恩德澤而漢法深酷刑罰枉濫天
下稱冤此其所以亡也是時太祖方以兵圍蘇逢吉劉錡
第欲誅其族聞延義言悚然因貸其族二家獲全延義事
周為太府卿判司天監以疾卒

五代史記第五十八

司天考一

宋歐陽脩撰徐無黨注明汪受慶昌濬傳汝舟校

嗚呼五代禮樂文章吾無取焉其後世有欲知之者不可
必遺也作司天職方考

司天掌日月星辰之象周天一歲四時二十四氣七十二
候行十日十二辰以為曆而謹察其變者以為占占者非
常之兆也以驗吉凶以求天意以覺人事其術藏於有司
曆者有常之數也以推寒暑以先天道以勉人事其法信
於天下術有時而用法不可一日而差差之毫釐則亂天
人之序乖百事之時蓋有國之所重也然自堯命羲和見
於書中星閏餘略存其大法而三代中間十有餘歲遺文
曠廢六經無所述而孔子之徒亦未嘗道也至於後世其

學一出於陰陽之家其事則重其學則未夫天人之際遠哉微矣而使一藝之上布筭積分上求數千萬歲之前必得甲子朔旦夜半冬至而日月五星皆會于子謂之上元以為曆始蓋自漢而後其說始詳見於世其源流所自止於如此是果堯舜三代之法歟皆不可得而考矣然自是以來曆家之術雖世多不同而未始不本於此五代之初因唐之故用崇玄曆至高祖時司天監馬重績始更造新曆不復推古上元甲子冬至七曜之會而起唐天寶十四載乙未為上元用正月雨水為歲首初唐建中時術者曹士芳為始變古法以顯慶五年為上元雨水為歲首號符天曆然世謂之小曆祇行於民間而重績乃用以為法遂施于朝廷賜號調元曆然行之五年輒差不可用而復用

崇玄曆周廣順中國子博士王處訥私撰明玄曆于家民間又有萬分曆而蜀有永昌曆正象曆西唐有齊政曆五代之際曆家可考見者止於此而調元曆法既非古明玄又止藏其家萬分止行於民間其法皆不足紀而永昌正象齊政曆皆止用於其國今亦亡不復見世宗即位外伐偕叛內脩法度端明殿學士王朴通於曆數乃詔朴撰定歲餘朴奏曰臣聞聖人之作也在乎知天之變者也人情之動則可以言知之天道之動則當以數知之數之為用也聖人以之觀天道焉歲月日時由斯而成陰陽寒暑由斯而節四方之政由斯而行夫為國家者為復端立極必體其元布政考績必因其歲禮動樂舉必正其朔三農百工必順其時五刑九伐必順其氣庶務有為必從其日月是

以聖人受命必治曆數故五紀有常度庶徵有常應正朔
行之於天下也自唐之季凡歷數朝亂日失天垂將百載
天之歷數汨陳而已陛下順考古道寅畏上天咨詢庶官
振舉墜廢臣雖非能者敢不奉詔乃包萬象以爲法齊七
政以立元測圭筭前以候氣審朧朧以定朔明九道以合宿
校遲疾以推星考黃道之斜正辯天勢之昇降而交蝕詳
焉夫立天之道曰陰與陽陰陽各有數合則化成矣陽之
策三十六陰之策二十四奇偶相命兩陽三陰固得七十
二何則陰陽之數合七十一者化成之數也化成則謂之
五行之數五行之得其數過之者謂之氣盈不及者謂之
朔虛至於應變分用無所不通故以七十一爲經法經者
常用之法也百者數之節也隨法進退不失舊位故謂之

通法以通法進經法得七十二百謂之經法自元入經先
用此法統曆身之諸法也以通法進統法得七十二萬氣朔
之下收分必盡謂之全率以通法進全率得七千二百萬
謂之大率上而元紀生焉元者歲月日時皆甲子日月五星
合在子當盈縮先後之中所謂七政齊矣古者植圭於陽
城以其近洛也蓋尚謙其中乃在洛之東偏開元十二年
遣使天下候影南距林邑北距橫野中得浚儀之立臺應
南北弦居地之中大周建國定都於汴樹圭置箭測立臺夏
漏以爲中數夏漏上則日之所至氣之所應得之矣日月
皆有盈縮日盈月縮則後中而朔月盈日縮則先中而朔
自古朧朧之法率皆平行之數入曆既有前次而又衰稍
不倫皇極舊術則迂迴而難用降及諸曆則踈遠而多失

今以月離朧胸隨曆校定日躔朧胸臨用加減所得者入
離定日也一日之中分為九限每限損益衰稍有倫朧胸
之法可謂審矣赤道者天之絃帶也其勢圓而平紀宿度
之常數焉黃道者日軌也其半在赤道內半在赤道外去
極二十四度當與赤道近則其勢斜當與赤道遠則其勢
直當斜則日行宜遲當直則日行宜速故二分前後加其
度二至前後減其度九道者月軌也其半在黃道內半在
黃道外去極遠六度出黃道謂之正交入黃道謂之中交
若正交在秋分之宿中交在春分之宿則比黃道尤斜若
正交在春分之宿中交在秋分之宿則比黃道反直若正
交中交在二至之宿則其勢差斜故校去二至二分遠近
以考斜正乃得加減之數自古雖有九道之說蓋亦知而

乘詳徒有祖述之文而無推步之用今以黃道一周分為
八節一節之中分為九道盡七十二道而使日月無所隱
其斜正之勢焉九道之法可謂明矣星之行也近日而疾
遠日而遲去日極遠勢盡而留自古諸曆分段失實際降
無準今日行分尚多次日便留自留而退惟用平行仍以
入段行度為入曆之數皆非本理遂至乖戾今校逐日行
分積以為變段然後自疾而漸遲勢盡而留自留而行亦
積微而後多別立諸段變曆以推變差俾諸段變差際會
相合星之遲疾可得而知之矣自古相傳皆謂去交十五
度以下則日月有蝕殊不知日月之相掩與闇虛之所躡
其理有異今以日月徑度之大小校去交之遠近以黃道
之斜正天勢之昇降度仰視旁視之分數則交虧得其實

矣臣考前世無食神首尾之文近自司天下祝小術不能
舉其大體遂為等接之法蓋從假用以求徑捷於是乎交
有逆行之數後學者不能詳知因言曆有九曜以為注曆
之常式今並削而去之謹以志日少月少星少發斂為四
篇合為曆經一卷曆十一卷草三卷顯德三年七政細行
曆一卷以為欽天曆昔在帝堯欽若昊天陛下考曆象自
月星辰唐堯之道也天道多遠非微臣之所盡知世三嘉
之詔司天監用之以明年正月朔旦為始

顯德欽天曆

演紀上元甲子距今顯德三年丙辰積七千二百六十九
萬八千四百五十二筭外

欽天統法七千二百

欽天經法七千二

欽天通法一百

欽天步日躔術

歲率二百六十二萬九千七百六十

四十

軌率二百六十二萬九千八百四十四

八十

朔率二十一萬二千六百二十

二十八

歲策三百六十五

四十

軌策三百六十五

八十

歲中一百八十二

二十

軌中一百八十二

四十

朔策二十九

二十八

氣策一十五

三十五

象策七

一千七百五十五

七

周紀六十

歲差八十四

四十

辰則六百

八刻二十四分

赤道宿次

斗二十六度半八度女十二度虛一十度少危十七度奎十六度壁九度

北方七宿九十八度少

奎十六度婁十二度胃十四度昴十一度畢十七度觜一十度參一十度

西方七宿八十一度

井三十三度鬼三度柳十五度星七度張十八度翼十八度軫十七度

南方七宿二百一十一度

角十二度九度氏十五度房五度心五度尾十八度箕十一度

東方七宿七十五度

中節

置歲率以演紀上元距所求積年乘之為氣積統法而一為日盈周紀去之命甲子筭外即天正中氣日辰及分秒也以氣策累加之秒盈通法從分分盈統法從日日盈周紀去之即各得次氣日辰及分秒也

朔弦望

置氣積以朔率去之不盡為閏餘用減氣積為朔積統法而一為日盈周紀去之命甲子筭外即天正常朔日辰及分秒也以象策累加之即各得弦望及次朔也

日躔入曆

置歲率以閏餘減之統法而一為日歲中以下為盈以上減去歲中為縮即天正常朔加時所入也累加象策滿歲中去之盈縮互命即四象所入也

日躔朏朧

置加時入曆分秒以其日損益率乘之統法而一損益其日朏朧數為日躔朏朧定數

赤道日度

置氣積以軌率去之餘統法而一為度命赤道虛入算外即天正中氣加時日躔赤道宿度及分秒也加歲中以次命之即夏至之宿也

黃道宿次

置一至日躔赤道宿度距前後每五度為限初率八每限減一盡九限末率空乃一度少彊亦限率空其半當四立之宿自後亦五度為限初率空每限增一盡九限末率八股二分之宿自二分至二至亦如之各以限率乘所入限度為分經法而一為度二至前後各九限以減二分前後各九限以加赤道宿為黃道宿及分就其分為少大半之數

黃道日度

置天正中氣加時日躔赤道宿度各與所入限率相乘皆以統法通之以所入限率乘其分以從之經法而一為分盈統法為度用減赤道所躔即天正中氣加時日躔黃道宿度及分也加歲中以黃道宿次命之即夏至加時日度

及分也

午中日躔

置二至分減去半法為午後分不足反減為午前分以乘初日躔分經法而一午前以加午後以減加時黃道日度為午中日度及分也各以次日躔分加之滿統法從度依宿次命之即次日午中日躔也

午中日躔入曆

置天正中氣午前分便為午中入盈曆日分其在午後者以午後分減歲中為午中入縮曆日分累加一日滿歲中即去之盈縮互命為每日午中入曆也

岳臺中晷

置午中入曆分以其日損益率乘之加統法而一為分

十為寸用損益其下中數為定數也

晨昏分

各置入曆分以其日損益率乘之加統法而一用損益其下晨分即所求晨定分也用損加益減其下昏分即所求昏定分也

日出入辰刻

置晨昏分以一百八十加晨減昏為日出入分各以辰則除為辰數餘滿經法為刻命辰數子正筭外則日出入辰刻也

晝夜刻

置日入分以日出入分減之為晝分用減統法為夜分各滿經法為晝夜刻

五夜辰刻

置晨分以辰則除為辰數經法除為刻數命辰數子正筭外即甲夜辰刻也倍晨分五約之為更用分又五約之為籌用分用累加甲夜滿辰則為辰滿經法為刻即各得五夜辰刻也

昏曉中星

置昏分減去半統用乘軌率統法除之為距中分盈統法為度加午中日躔為昏中星減之為曉中星

赤道內外數

置入曆分以其日損益率乘之加統法而一用損益其下內外數如不足損則反損之內外互命即得所求赤道內外定數也

九服距軌數

置距岳臺南北里數以三百六十通之為步一千七百五十六除之用北加南減二千五百一十三為其地戴中數以赤道內外定數內減外加之即九服距軌數也

九服中晷

置距軌數二十五乘之一百二十七除為天用分置之以二十二乘六約之用減四千為晷法又以天用分自相乘如晷法而一為地用分相從為晷分分十為寸即得其地中晷也

九服刻漏

經法通軌中而半之用自相乘如其地戴中數而一以乘二百六十三經法除之為漏法通軌中於上置赤道內外

朔弦望定日

各以日躔月離朧朧定數朧減朧加朔弦望常分為定日
定朔加時日入後則進一日有交見初則不進弦望加時
日未出則退一日月雖出有交見初亦加之元日有交則
消息定之定朔與後朔不同者大不同者小無中氣者為
閏

朔望加時日度

各置日躔入曆以日躔月離朧朧定數朧減朧加之為定
朔加時入曆以曆分乘其日損益率統法而一損益其下
盈縮數為定數置定朔曆分通法約之以定數盈加縮減
之各命以冬夏至之宿算外即所求也

月離入交

置朔積以交率去之餘滿統法為日即天正朔入交泛
日也以望策累加之盈交策去之即望及次朔所入也各
以日躔朧朧定數朧減朧加之為入交常日置月離朧朧
定數經法乘之平離而一朧減朧加常分即入交定日也

黃道正交月度

經統法通朔交定日以二百五十四乘之十九而一復以
統法除為入交度用減其朔加時日度即朔前月離正交
黃道宿度也

九道宿次

月離出入黃道六度變從八節叙正不同故月有九道黃
道八節各有九限若正交起八節後第一限之宿為月行
其節第一道起第一限之宿為月行其節第二道即以所

起限為正交後第一限初率八每限減一盡九限末率空
又九限初率空每限增一末率八殷半交之宿自後亦九
限初率八每限減一末率空又九限初率空每限增一末
率八復與黃道相會謂之中交自中交至正交亦如之各
置所入限度以限率乘之為泛差其正交中交前後各九
限以距二至之宿限數乘之半交前後各九限以距二分
之宿限數乘之皆如經法而一為黃道差在冬至之宿後
正交前後各九限為減中交前後各九限為加在夏至之
宿後正交前後各九限為加中交前後各九限為減凡月
正交後出黃道外中交後入黃道內其半交前後各九限
在春分之宿後出黃道外秋分之宿後入黃道內皆以差
為加在春分之宿後入黃道內秋分之宿後出黃道外皆

以差為減四約泛差以黃道差減之為赤道差正交中交
前後各九限皆以差為加半交前後各九限皆以差為減
以黃赤二差加減黃道為九道宿次就其分為少大半之
數八節各九道七十二道周焉

九道正交月度

置月離正交黃道宿度各以所入限率乘之亦乘其分經
法約之為泛差用求黃赤二差以加減之即月離正交九
道宿度也

九道朔月度

置月離正交九道宿度以入交度加之命以九道宿次即
其朔加時月離九道宿度也

九道望月度

置朔望加時日相距之度以軌中加之為加時象積用加其朔九道月度命以其道宿次即所求也自望推朔亦如之

月離下中入曆

置朔望月離入曆加半統減去定分各以日躔月離朧朧定數朧減朧加之即所求也

晨昏日月度

置其日晨昏分以定分減之為前不足返減為後用乘其日離程統法而一滿經法為度為晨昏前後度前加後減加時月為晨月度

晨昏象積

置加時象積以前象前後度前減後加又以後象前後度

前加後減之即所求也

每日晨昏月度

累計距後象離度以減晨昏象積為加不足反減之為減以距後象日數除之用加減每日離度為定度累加晨昏月度命以九道宿次即所求也

月去黃道度

置入交定日交中以下月行陽道以上去之月行陰道皆以經法通之用減九百八十餘以乘之五百五十六而一為分滿經法為度行陽道在黃道外行陰道在黃道內即所求月去黃道內外度也

日月食限

置定交行陰陽道日半交中以下為交後以上用減交中

為交前皆以統法通之為距交分朔視距交分陽道四千二百一十九陰道一萬三百八十三以下日入食限望視距交分陰陽道皆六千九百九十五以下月入食限

日月食甚加時定分

置朔定分半統以上以半統減之半統以下用減半統為距午分十一乘之經法而半統以下以減半統以上以加朔定而為日食加時定分望以其日晨分與一千六百二十相減餘以二百四十五乘之三百一十三而一用減二百四十五餘以損益望定分為月食加時定分

日食常準

置中準與其日赤道內外數相乘二千五百一十二餘為黃道出入食差以距午分減半書分以乘之半書分而一

赤道內以減赤道外以加中準為日食常準

日食定準

置日躔入曆以經法通之三千二百八十七以下用減三千二百八十七為二至後以上減去三千二百八十七為二分前六千五百七十四以上用減九千八百六十一為二分後以上減去九千八百六十一為二至前各三約之二至前後用減二分前後用加二千七百七十二為黃道斜正食差以距午分乘之半書分而一以加常準為定準

日食分

以定準加中限為陰道定準減中限為陽道定限不足減者反減之為限外分視陰道距交分定準以上定限以下為陰道食即置定限以距交分減之為距食分定準以下

雖曰陰道亦為陽道食即加陽道定限為距食分其有限
外分者即減去限外分為距食分不足減者不食其陰道
距交分定限以下為入定食限即用減陽道定限為距食
分各置距食分皆以四百七十八除為日食之大分餘為
小分命大分以十為限命小分以半及疆弱

月食分

視距交分中準以下皆既以上用減食限為距食分置之
以五百二十六除為月食之大分餘為小分命大分以十
為限命小分以半及疆弱

日食泛用分

置距食分一千九百一十二以上用減四千七百八十餘
自相乘六萬三千二百七十二除之以減六百四十七為

泛用分九百五十六以上用減一千九百一十二餘以通
法乘之七百三十五而一以減五百一十七為泛用分九
百五十六以上以距食分自相乘二千三百六十二除之
用減三百八十七為泛用分

月食泛用分

置距食分二千一百四以上用減五千二百六十餘自相
乘六萬九千一百六十九除之以減七百一十一為泛用
分一千五十二以上用減二千一百四十餘七除之以減
五百六十七為泛用分一千五十二以下以距食分減之
餘自相乘二千六百五十四而一用減四百一十七為泛
用分

日月初末加時定分

各置通用分以平離乘之其日離程而一為定用分以減朔望定分為虧初加之為復末加時常分如食甚術推之得虧初復末定分置初甚末定分各以辰則除之為辰經法除之為刻即初甚末之辰刻也

虧良所起

日食起虧自西月起虧自東其食分少者月行陽道則日食偏南月食偏北陰道則日食偏北月食偏南此常數也立春後立夏前食分多則日食偏南月食偏北立秋後立冬前食分多則日食偏北月食偏南此黃道斜正也陽道交前陰道交後食分多則日食偏南月食偏北陽道交後陰道交前食分多則日食偏北月食偏南此九道斜正也黃道比常數所偏差少九道比黃道所偏又四分之一皆

據午而言之若午前午後一理偏南一理偏北及消息所食分數多少以定初甚末之方即各得其所也

帶食出入分

視其日出入分在虧初定分已上復末定分已下即帶食出入食甚在出入分已下者以出入分減復末定分為帶食差食甚在出入分已上者以虧初定分減出入分為帶食差各置帶食差以距食分乘之定用分而一日以四百七十八月以五百二十六除為帶食之大分餘為小分

食入更籌

各置初甚末定分長分已下以昏分加之昏分已上以昏分減之皆更用分而一為更數皆籌用分而一為籌數欽天步五星

歲星

周率二百八十七萬二千九百七十六

變率二十四萬二千二百一十五

曆率二百六十二萬九千九百六十六

周策三百九十八

曆中一百八十二

變段 變日 變度 變曆

晨見 一十七 二二七 二二四

順疾 九十 一十六 六十五 一十一 二十三

順遲 二十五 二九 一 二九

前留 二十六 三十二 一 二九

退遲 一十四 一 二十三 空 三十八

退疾 二十七 四 三十八 一 三十七

退疾 二十七 四 三十八 一 三十七

退遲 一十四 一 二十一 空 三十八

後留 二十六 三十三 一 二十九

順遲 二十五 二九 一 二十九

順疾 九十 一十六 六十二 一 十一 二十三

夕伏 一十七 三 三十七 一 二十四

災感

周率五百六十一萬五千四百二十二

變率二百九十八萬五千六百六十一

曆率二百六十二萬九千七百六十一

周策七百七十九 六千六百二十二 一十一

曆中二百八十二 四千四百八十 空

變段 變日 變度 變曆

晨見 七十二 五十二_{六十八} 五十五_{六十八}

順疾 七十二 五十一_一 四十八_三

次疾 七十一 四十六_{六十九} 四十四_{二十六}

次遲 七十一 四十五_{三十三} 四十二_{五十八}

順遲 六十二 一十九_{二十九} 一十八_{二十}

前留 八_{六十九} 一_{五十八} 空_{四十四}

退遲 一十 一_{五十八} 空_{四十四}

退疾 二十一 七_{四十六} 二_{四十}

退疾 二十一 七_{四十六} 二_{四十}

退遲 一十 一_{五十八} 空_{四十四}

後留 八_{六十九} 一十九_{二十九} 一十八_{二十}

順遲 六十一 一十九_{二十九} 一十八_{二十}

次遲 七十一 四十五_{三十三} 四十二_{五十八}

次疾 七十一 四十六_{六十九} 四十四_{二十七}

順疾 七十三 五十一_一 四十八_三

夕伏 七十三 五十二_{六十八} 五十五_{六十八}

鎮星

周率二百七十二萬二千一百七十六 九十

變率十九萬二千四百一十六 五十

曆率二百六十二萬九千七百五十九 八十

周策三百七十八 五百七十六 九十

曆中一百八十二 四千四百七十九 九十

| | | | |
|----|------|------|------|
| 變段 | 變日 | 變度 | 變曆 |
| 晨見 | 一十九 | 二七 | 一十四 |
| 順疾 | 六十五 | 六三六 | 三五十一 |
| 順遲 | 一十九 | 空六三三 | 空二三五 |
| 前留 | 三十七三 | 空 | 空 |
| 退遲 | 一十六 | 空四十三 | 空二十四 |
| 退疾 | 三十三 | 二三五 | 空六十 |
| 退疾 | 三十三 | 二三五 | 空六十一 |
| 退遲 | 一十六 | 空四十三 | 空二十四 |
| 後留 | 三十七三 | 空 | 空 |
| 順遲 | 一十九 | 空六十三 | 空三十五 |
| 順疾 | 六十五 | 六三三 | 三五十一 |

夕伏 一十九 一七 一十四

太白

周率四百二十萬四千一百四十二 九十六

變率四百二十萬四千一百四十二 九十六

曆率二百六十二萬九千七百五十 五十六

周策五百八十三 六千五百四十三 九十六

曆中一百八十二 四千四百七十五 二十八

變段 變日 變度 變曆

夕見 四十二 五十三 五十一 二十七

順疾 九十六 二百二十一 七 一百二十六 三九

次疾 七十二 八十三 七十七 二

次遲 三十三 三十四 三十二 四十一

五史集解 同天考 九

| | | | | |
|----|-----|-----|-----|-----|
| 順遲 | 二十四 | 十一 | 十一 | 二十四 |
| 前留 | 六十九 | 六十一 | 二十四 | |
| 退遲 | 四 | 二十二 | 空 | 三十一 |
| 退疾 | 六 | 六十五 | 二十二 | |
| 夕伏 | 七 | 四 | 二十七 | |
| 晨見 | 七 | 四 | 二十七 | |
| 退疾 | 六 | 三十六 | 二十七 | |
| 退遲 | 四 | 二十二 | 空 | 二十一 |
| 後留 | 六十九 | 六十一 | 二十一 | |
| 順遲 | 二十四 | 十六 | 二十一 | |
| 次遲 | 三十三 | 三十四 | 三十二 | |
| 次疾 | 七十三 | 八十三 | 七十七 | |

| | | | |
|----|-----|-------|-------|
| 順疾 | 九十六 | 一百二十一 | 一百二十六 |
| 晨伏 | 四十二 | 五十三 | 五十一 |
| 辰星 | | | |

| | | | |
|----|--------------|---------|-----|
| 周率 | 八十三萬四千三百三十五 | 五十二 | |
| 變率 | 八十三萬四千三百三十五 | 五十二 | |
| 曆率 | 二百六十二萬九千七百六十 | 四十四 | |
| 周策 | 一百一十五 | 六千三百三十五 | 五十二 |
| 曆中 | 一百八十二 | 四千四百八十五 | 二十二 |

| | | | |
|----|-----|-----|-----|
| 變段 | 變合 | 變度 | 變曆 |
| 夕見 | 一十七 | 三十四 | 二十九 |
| 順疾 | 一十七 | 十八 | 十六 |
| 順遲 | 十六 | 十一 | 十一 |

五十五

五十五

五十五

前留

二六十八

夕伏

一十一

六

二

晨見

一十一

六

二

後留

一六十八

順遲

一十六

一十一

一十一

順疾

一十一

一十八

一十六

晨伏

一十七

三十四

二十九

中日中星

置氣積以其星周率除之為周數不盡為天正中氣積前合用減歲率為前年天正中氣後合如不足減則加歲率以減之為次前年天正中氣後合各以統法約之為日為度即所求平合中日中星也置直中日以逐段變日累加之

即逐段中日也置中星以逐段變度順加退減之即得逐段中星金水夕伏晨見皆退變也

入曆

置變率以周數乘之以曆率去之餘滿統法為度曆中以下為先以上減去曆中為後即所求平合入曆以逐段變曆累加之得逐段入曆也

先後定數

置入曆分以其度損益率乘之經法而一用損益其下先後數即所求也

常日定星

置中日中星名以先後定數先加後減之留用前段先後數太白順伏見及前順疾次疾後次遲次疾疾辰星順伏

見及前疾後遲並先減後加之即各為其段常日定星置
定星以其年天正中氣日躔黃道宿次加而命之得逐段
末日加時宿度也

盈縮定數

置常日如歲中以下為在盈以上減去歲中餘為在縮即
常日入盈縮曆也置曆分以其日損益率乘之經法而一
用損益其下盈縮數即得所求也

定日

置常日以盈縮定數盈減縮加之為定日以其年天正中
氣加而命之即逐段末日加時日辰也

入中節

置定日以氣策除之命起冬至即所入氣日數也

平行分

置定日以前段定日減之為日率定星與前段定星相減
為度率通度率以經法乘之通日率而一為平行分

初末行分

近伏段與伏段平行分合而半之為其段近伏行分以平
行分減之餘減平行分為其段遠伏行分近留段近留行
分空倍平行分為其段遠留行分其不近伏留段皆以順
行二段平行分合而半之為前段末日後段初日行分各
與其段平行分相減平行分多則加平行分少則
減平行分即前段初日後段末日行分其不近伏留段退
行則以遲段近疾行分為疾段近遲行分所得與平行分
相減平行分多則加之少則減之皆為遠遲行分也

初行夜半宿次

置經法以前段末日加時分減之餘乘前段末日行分經法而一用順加退減前段末日加時宿度為其段初行昏後夜半宿度也

每日行分

初末行分相減為差率累計其段初行昏後夜半距後段初行昏後夜半日數除之為日差半日差以減多加少為其段初末定行分置初定行分用日差末多則累加末少則累減為每日行分以每日行分順加退減初行昏後夜半宿度為每日昏後夜半星所至宿度也

先定日昏後夜半宿次

自初日累計距所求日數以乘其段日差末多用加末少

用減初日行分為其日行分合初日而半之以所累計日乘之用順加退減其段初行昏後夜半宿次即所求也
欽天步發斂術

候策五

五百二十四

四十五

卦策六

六百二十九

三十四

外策三

三百一十四

六十七

維策一十二

一千二百五十八

六十八

氣盈一千五百七十三

三十五

朔虛二千三百九十九

七十二

氣候圖

冬至十一月中

蚯蚓結

麋角解

水泉動

小寒十二月節

雁北鄉

鶡始巢

雉始雊

大寒十二月中

雞始乳

鷲鳥厲疾

水澤腹堅

立春正月節

東風解凍

蟄蟲始振

魚上冰

雨水正月中

獺祭魚

鴻雁來

草木萌動

驚蟄二月節

桃始華

倉庚鳴

鷹化為鳩

春分二月中

玄鳥至

雷乃發聲

始電

清明三月節

桐始華

田鼠化為鴽

虹始見

穀雨三月中

萍始生

鳴鳩拂其羽

戴勝降于桑

立夏四月節

蜩蟪鳴

蚯蚓出

王瓜生

小滿四月中

苦菜秀

靡草死

小暑至

芒種五月節

蟠蛄生

鵙始鳴

反舌無聲

夏至五月中

鹿角解

蜩始鳴

半夏生

小暑六月節

溫風至

蟋蟀居壁

鷹乃學習

大暑六月中

腐草為螢

土潤溽暑

大雨時行

立秋七月節

涼風至

白露降

寒蟬鳴

處暑七月中

鷹祭鳥

天地始肅

禾乃登

白露八月節

鴻雁來

玄鳥歸

群鳥養羞

秋分八月中

雷乃收聲

蟄蟲壞戶

水始涸

寒露九月節

鴻雁來賓

雀入大水為蛤

菊有黃華

霜降九月中

豺祭獸

草木黃落

蟄蟲咸俯

立冬十月節

水始冰

地始凍

雉入水為蜃

小雪十月中

虹藏不見

天氣上騰地氣下降

閉塞成冬

大雪十一月節

鶡鴠不鳴

虎始交

荔挺出

文象圖

冬至坎初六 公中孚 辟復 侯屯內

小寒坎九二 侯屯外 大夫謙 卿睽

大寒坎六三 公升 辟臨 侯小過內

立春坎六四 侯小過外 大夫蒙 卿益

雨水坎九五 公漸 辟泰 侯需內

驚蟄坎上六 侯需外 大夫隨 卿晉

春分震初九 公解 辟大壯 侯豫內

清明震六二 侯豫外 大夫訟 卿蠱

穀雨震六三 公革 辟夫 侯旅內

立夏震九四 侯旅外 大夫師 卿比

小滿震六五 公小畜 辟乾 侯大有內

芒種震上六 侯大有外 大夫家人 卿井

夏至離初九 公咸 辟姤 侯鼎內

小暑離六二 侯鼎外 大夫豐 卿渙

大暑離九三 公履 辟遯 侯恒內

立秋離九四 侯恒外 大夫節 卿同人

處暑離六五 公損 辟否 侯巽內

白露離上九 侯巽外 大夫萃 卿大畜

秋分兌初九 公賁 辟觀 侯歸妹內

寒露兌九二 侯歸妹外 大夫无妄 卿明夷

霜降兌六三 公困 辟剝 侯艮內

立冬兌九四 侯艮外 大夫既濟 卿噬嗑

小雪兌九五 公大過 辟坤 侯未濟內

大雪兌上六 侯未濟外 大夫蹇 卿頤

五十二

七十二候

各置中節即初候也以候策累加之即次候也

六十四卦

置中氣即公卦也以卦策累加之即次卦也置候卦以外策加之即外卦也

五行用事

置四立之節而命之即春木夏火秋金冬水用事之初也置四季之節各以維策加之即土用事

沒日

中節分五千六百二十六秒六十五已上者用減統法為有沒分通氣策以乘之氣盈而一滿統法為日用加其氣而命之即所求沒日也

減日

常朔分朔虛已下者為減分以朔率乘之朔虛而一盈統法為日用加其朔而命之即所求減日也

右朴所撰欽天曆經四篇舊史亡其步發斂一篇而在者三篇簡略不完不足為法朴曆世既罕傳予嘗問於著作佐郎劉義叟義叟為予求得其本經然後朴之曆大備義叟好學知書史尤通於星曆嘗謂予曰前世造曆者其法不同而多差至唐一行始以天地之中數作大衍曆最為精密後世善治曆者皆自用其法惟寫分擬數而已至朴亦能自為一家朴之曆法總日躔差為盈縮二曆分月離為遲疾二百四十八限以考衰殺之漸以審臍胸而朔望正矣校赤道九限更其率數以步黃道使日躔有常度分黃

道八節辨其內外以揆九道使月行如循環而二曜協矣
觀天勢之升降察軌道之斜正以制食差而交會密矣測
岳臺之中畧以辨二至之日夜而軌漏實矣推星行之逆
順伏留使舒亟有漸而五緯齊矣然不能宏深簡易而徑
急是取至其兩長雖聖人出不能廢也義聖之言呈蓋如此
隨記者得以考焉

五代史記卷第五十八

五代史記卷第五十九

司天考二

宋歐陽脩撰徐無黨注明文盛高澂傳汝舟校

昔孔子作春秋而天人備予述本紀書人而不書天子何
敢異於聖人哉其文雖異其意一也自堯舜三代以來莫
不稱天以舉事孔子刪詩書不去也蓋聖人不絕天於人
亦不以天參人絕天於人則天道廢以天參人則人事惑
故常存而不究也春秋雖書日食星變之類孔子未嘗遺
其所以然者故其弟子之徒莫得有所述於後世也然則
天果與於人乎果不與於人乎曰天吾不知質諸聖人之
言可也易曰天道虧盈而益謙地道變盈而流謙鬼神嘗
盈而福謙人道惡盈而好謙此聖人極論天人之際最詳
而明者也其於天地鬼神以不可知為言其可知者人而

已夫日中則昃盛衰必復天吾不知吾見其虧盈於物者矣草木之成者變而衰落之物之下者進而流行之地吾不知吾見其變流於物者矣人之貪滿者多禍其守約者多福鬼神吾不知吾見人之禍福者矣天地鬼神不可知其心則因其著於物者以測之故據其迹之可見者以爲言曰虧益曰變流曰害福若人則可知者故直言其信曰好惡其知與不知異辭也參而會見之與人無以異也其果與於人乎不與於人乎則所不知也以其不可知故常尊而遠之以其與人無所異也則修吾人事而已人事者天意也書曰天視自我民視天聽自我民聽未有人心悅於下而天意怒於上者未有人理逆於下而天道順於上者然則王者君天下子生民布德行政以順人心是之謂奉

天至於三辰五星常動而不息不能無盈縮差忒之變而占之有中有不中不可以爲常者有司之事也本紀所述人君行事詳矣其興亡治亂可以見至於三辰五星逆順變見有司之所占者故以其官受之以備司天之所考焉呼聖人既沒而異端起自秦漢以來學者惑於災異矣天文五行之說不勝其繁也予之所述不得不異乎春秋也考者可以知焉

開平二年夏四月辛丑癸惑犯上將甲寅地震四年十二月庚午月有食之乾化元年春正月丙戌朔日有食之五月客星犯帝座二年正月丙申癸惑犯房第二星戊申月犯心大星四月甲寅月掩心大星壬申彗出于張甲戌彗出靈臺同光元年十月辛未朔日有食之二年六月甲申

衆星交流八月戊子熒惑犯星十一月丁巳地震三年三
月丙申熒惑犯上相戊申月有食之四月癸亥朔日有食
之甲子熒惑犯左執法六月甲子太白書見丙寅歲犯右
執法巳巳太白書見庚寅衆星流自二更盡三更而止辛
卯衆小星流于西南九月甲辰月有食之丁未天狗墮有
聲如雷野雉皆雉丙辰太白歲相犯十一月甲寅地震天
成元年二月惡星入天庫流星犯天棹四月庚戌金犯積
尸六月乙未衆小星交流七月巳未月犯太白庚申太白
書見乙丑月入南斗魁八月乙酉朔日有食之癸卯太白
犯心大星乙巳月犯五諸侯辛亥熒惑犯上將九月丁巳
月犯心大星巳巳月犯昂庚午熒惑犯右執法巳卯熒惑
犯左執法十月戊子熒惑犯上相巳丑至于庚子白月五

而無光丙午月掩左執法十一月丁丑月暈而火木戊寅
月犯金木上十二月戊戌熒惑犯氏乙巳月掩庶子二年
正月甲戌熒惑歲相犯二月辛卯熒惑犯鍵閉三月戊午
月掩鬼庚申衆小星流于西北巳巳熒惑犯上相乙亥月
入羽林四月丁亥月犯右執法癸卯月入羽林六月辛丑
熒惑犯房八月巳卯朔日有食之庚子月犯五諸侯九月
壬子歲犯房庚申月入羽林壬申月犯上將十月壬午月
犯五諸侯癸未地震十一月乙卯月入羽林辛未地震壬
申地震十二月癸未地震三年春正月壬申金火合于奎
二月丁丑朔日有食之四月丁酉月犯五諸侯五月丁巳
月掩房距星六月乙酉月掩心庶子癸巳月入羽林自正
月至于月宗人宗正搖不止七月乙卯月入南斗魁閏

八月癸卯朔熒惑犯上將戊申月犯南斗乙卯熒惑犯右
 執法庚戌太白犯右執法九月庚辰土木合于箕辛巳金
 火合于軫十月庚午彗出西南十一月戊子月掩軒轅大
 星乙未太白犯鎮月掩房十二月壬寅朔熒惑犯房金木
 相犯于斗乙卯月有食之四年正月癸巳月入南斗魁二
 月辛酉月及火土合于斗三月壬辰歲犯牛六月癸丑月
 有食之既七月丁丑月入南斗九月丙子熒惑入哭星十
 二月庚戌月有食之既長興元年六月癸巳朔日有食之
 乙卯太白犯天鐔八月己亥月犯南斗乙卯月犯積尸九
 月辛酉朔眾小星交流而隕十一月壬戌熒惑犯氏十二
 月丙辰熒惑犯天江二年正月乙亥太白犯羽林五月癸
 亥太白晝見閏五月乙巳歲晝見六月壬午地震八月丁

巳辰犯端門九月丙戌眾星交流丁亥眾星交流而殞戊
 子太白晝見丁未雷十一月甲申朔日有食之丙戌太白
 犯鍵三年四月庚辰熒惑犯積尸九月庚寅太白犯哭星
 十月壬申太白晝見十月己亥太白犯辟壘四年五月癸
 卯太白晝見六月庚午眾星交流六月乙亥朔眾星交流
 九月辛巳太白犯右執法乙未雷應順元年二月丁酉眾
 星流于西北四月戊寅白虹貫日是月改元清泰元年五
 月己未太白晝見六月甲戌太白犯右執法九月辛丑眾
 星交流壬寅兩雷于京師冬十一月丁未彗出虛危掃天
 壘及哭星天福元年二月壬子熒惑犯積尸一年正月乙
 卯朔日有食之七月丙寅月有食之十二月己卯朔日有
 白虹二三年三月壬子日有白虹二五月壬子月犯上將

四年四月辛巳太白犯東井北轅甲午太白犯五諸侯五
月丁未太白犯輿鬼中星七月庚子朔日有食之九月癸
未月掩畢五年十一月丁丑月有食之六年八月辛卯太
白犯軒轅九月己卯熒惑犯上將壬子彗出于西掃天市
垣八年四月戊申朔日有食之八月丙子熒惑犯右掖十
月庚戌彗出東方丙辰熒惑犯進賢十一月庚子月犯房
開運元年二月辛亥日有白虹二壬戌太白犯昴己巳熒
惑犯天鑰三月戊子月有食之四月丁巳太白犯五諸侯
七月庚辰月犯熒惑壬午月入南斗甲申太白犯東井八
月甲辰熒惑入南斗九月庚午朔日有食之丙子月入南
斗乙酉月食昴丙戌月有食之庚寅月犯五諸侯十月癸
卯月入南斗十一月辛巳月犯昴十二月癸丑太白犯辰

二年七月乙未朔月犯角壬寅月犯心前大星庚戌歲犯
并鉞八月甲子朔日有食之甲戌歲犯東井九月己酉月
犯昴甲寅太白犯南斗魁十一月甲午朔太白犯哭星癸
丑月掩角距星戊午月犯心後星三年二月壬戌朔日有
食之天福十二年四月丙子太白晝見十月己丑太白犯
元距星十一月壬子兩木冰辛酉兩水冰壬戌月犯昴癸
酉兩木冰乙亥月掩心大星己卯月犯南斗十二月乙未
月有食之乾祐元年四月甲午月犯南斗六月戊寅朔日
有蝕之乙未月入南斗七月甲寅月掩心庶子星八月
乙酉鎮犯太微西垣戊戌歲犯右執法九月丁卯月掩鬼
十月丁丑歲犯左執法二年四月壬午太白晝見六月癸
酉朔日有食之壬午月犯心丙戌月犯天關八月乙亥月

犯房次將九月壬寅太白犯右執法庚戌太白犯鎮辛酉
 鎮犯右執法丁卯太白犯歲鎮自元年八月己丑入太微
 垣犯上將執法內屏謁者勾己往來至是歲十一月辛亥
 而出四百四十三日甲寅月犯昴二年二月甲戌月犯昴六月乙卯
 鎮犯左掖七月甲申熒惑犯司怪八月癸卯太白犯房庚
 戌太白犯心大星十月辛酉月犯心大星太白犯木十一
 月甲子朔日有食之廣順元年二月丁巳歲犯咸池己未
 熒惑犯五諸侯三月甲子歲守心己卯熒惑犯鬼壬午熒
 惑犯天戶四月甲午歲犯鈞鈴二年二月庚寅太白經天
 四月丙戌朔日有食之七月乙丑熒惑犯井鉞八月乙未
 熒惑犯天罇九月辛酉熒惑犯鬼庚辰太白掩右執法十
 月壬辰太白犯進賢三年四月乙丑熒惑犯靈臺五月辛

巳熒惑犯上將丙申熒惑犯右執法七月乙酉月犯房十
 二月戊申雨木冰顯德元年正月庚寅有大星墜有聲如
 雷牛馬皆逸京城以為曉鼓皆伐鼓以應之二年正月壬
 戌有星孛于參十一月庚午白虹貫日癸酉月有食之
 五代亂世文字不完而史官所記亦有詳畧其日月五星
 之變大者如此至於氣侵之象出沒銷散不常尤難占據
 而五代之際日有冠珥環暈纓紐負抱戴履背氣十日之
 中常七八其繁不可以勝書而背氣尤多天福八年正月
 丙戌黃霧四塞九年正月乙未大霧中一白虹相偶四月
 庚戌大霧中有蒼白二虹廣順元年十一月甲子白虹竟
 天此其尤異者也至於吳火出揚林江水中閩天雨豆之
 數皆非中國耳目所及者不可得而悉書矣

五代史記卷第五十九

五代史記卷第六十

職方考三

宋歐陽脩撰徐無黨注明汪文盛管瀆傳資舟校

嗚呼自三代以上莫不分土而治也後世鑒古矯失始郡縣天下而自秦漢以來為國孰與三代長短及其亡也未始不分至或無地以自存焉蓋得其要則雖萬國而治失其所守則雖一天下不能以容豈非一本於道德哉唐之盛時雖名天下為十道而其勢未分既其衰也置軍節度號為方鎮鎮之大者連州十餘小者猶兼三四故其兵驕則逐帥帥彊則叛上土地為其世有干戈起而相侵天下之勢自茲而分然唐自中世多故矣其興衰救難常倚鎮兵扶持而侵凌亂亡亦終以此豈其利害之理然歟自僖昭以來日益割裂梁初天下別為十一南有吳浙荆湖閩

漢西有岐蜀北有燕晉而朱氏所有七十八州以爲梁莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州七同光破蜀已而復失惟得秦鳳階成四州而營平二州陷于契丹其增置之州一合一百二十三州以爲唐石氏入立獻十有六州于契丹而得蜀金州又增置之州一合二百九州以爲晉劉氏之初秦鳳階成復入于蜀隱帝時增置之州一合一百六州以爲漢郭氏代漢十州入于劉昫世宗取秦鳳階成瀛莫及淮南十四州又增置之州五而廢者三合一百一十八州以爲周末興因之此中國之大畧也其餘外屬者強弱相并不常其得失至於周末閩已先亡而在者七國自江以下二十一州爲南唐自劔以南及山南

西道四十六州爲蜀自湖南北十州爲楚自浙東西十三州爲吳越自嶺南北四十七州爲南漢自太原以北十州爲東漢而荆歸峽三州爲南平合中國所有二百六十八州而軍不在焉唐之封疆遠矣前史備載而羈縻寄治虛名之州在其間五代亂世文字不完而時有廢省又或陷于夷狄不可考究其詳其可見者具之如譜

| | | | | | |
|---|----|----|----|---|----|
| 州 | 梁 | 唐 | 晉 | 漢 | 周 |
| 汴 | 都 | 有武 | 都 | 都 | 都 |
| 洛 | 都 | 都 | 都 | 都 | 都 |
| 雍 | 有平 | 都 | 有晉 | 有 | 有未 |
| 兗 | 有奉 | 有 | 有 | 有 | 有 |
| 沂 | 有 | 有 | 有 | 有 | 有 |

| | | | | | | | | | | | |
|--------------------------|-------------------|---|---|--------------------------|---|---|---|-------------------|-------------------|---|---|
| 乾 | 鳳 | 階 | 城 | 秦 | 武 | 渭 | 原 | 涇 | 隴 | 岐 | 鹽 |
| 岐 | 岐 | 岐 | 岐 | 岐 | 岐 | 岐 | 岐 | 岐 | 岐 | 岐 | 有 |
| <small>李茂 真置</small> | <small>武興</small> | | | <small>武雄 蜀天</small> | | | | <small>義朝</small> | <small>翔鳳</small> | | |
| 有 | 有 | 有 | 有 | 有 | 有 | 有 | 有 | 有 | 有 | 有 | 有 |
| 有 | 有 | 有 | 有 | 有 | 有 | 有 | 有 | 有 | 有 | 有 | 有 |
| 有 | 蜀 | 蜀 | 蜀 | 蜀 | 有 | 有 | 有 | 有 | 有 | 有 | 有 |
| 有 | 有 | 有 | 有 | 有 | 有 | 有 | 有 | 有 | 有 | 有 | 有 |

| | | | | | | | | | | | |
|-------------------|---|---|---|-------------------|-------------------|------------------|------------------|------------------|-------------------|---|---|
| 靈 | 宥 | 綏 | 銀 | 夏 | 延 | 丹 | 坊 | 鄜 | 威 | 衍 | 慶 |
| 有 | 有 | 有 | 有 | 有 | 有 | 有 | 有 | 有 | | 有 | 有 |
| <small>方朝</small> | | | | <small>難定</small> | <small>義忠</small> | <small>岐</small> | <small>岐</small> | <small>岐</small> | <small>大保</small> | | |
| 有 | 有 | 有 | 有 | 有 | 有 | 有 | 有 | 有 | | 有 | 有 |
| 有 | 有 | 有 | 有 | 有 | 有 | 有 | 有 | 有 | | 有 | 有 |
| 有 | 有 | 有 | 有 | 有 | 有 | 有 | 有 | 有 | <small>高祖</small> | 有 | 有 |
| 有 | 有 | 有 | 有 | 有 | 有 | 有 | 有 | 有 | 有 | 有 | 有 |
| 有 | 有 | 有 | 有 | 有 | 有 | 有 | 有 | 有 | <small>改曰</small> | 有 | 有 |

| | | | | | | | | | | | |
|----|----|---------------------|----|----|----|---------------------|--------------------|----|----|----|----|
| 常 | 潤 | 通 | 濠 | 泰 | 海 | 壽 | 廬 | 蘄 | 舒 | 黃 | 光 |
| 吳 | 吳 | | 吳 | 吳 | 吳 | 吳 <small>正忠</small> | 吳 | 吳 | 吳 | 吳 | 吳 |
| 吳 | 吳 | | 吳 | 吳 | 吳 | 吳 | 吳 | 吳 | 吳 | 吳 | 吳 |
| 南唐 | 南唐 | | 南唐 | 南唐 | 南唐 | 南唐 | 南唐 | 南唐 | 南唐 | 南唐 | 南唐 |
| 南唐 | 南唐 | | 南唐 | 南唐 | 南唐 | 南唐 | 南唐 | 南唐 | 南唐 | 南唐 | 南唐 |
| 南唐 | 南唐 | 有 <small>世宗</small> | 有 | 有 | 有 | 有 <small>正忠</small> | 有 <small>保</small> | 有 | 有 | 有 | 有 |

| | | | | | | | | | | | |
|----|----|----|----|--------------------|----|----|---------------------|---|---|---|----|
| 和 | 滌 | 泗 | 楚 | 揚 | 遼 | 沁 | 潞 | 澤 | 濕 | 慈 | 汾 |
| 吳 | 吳 | 吳 | 吳 | 吳 <small>離</small> | 唐 | 唐 | 唐 <small>昭義</small> | 唐 | 唐 | 唐 | 唐 |
| 吳 | 吳 | 吳 | 吳 | 吳 | 有 | 有 | 有 <small>昭義</small> | 有 | 有 | 有 | 有 |
| 南唐 | 南唐 | 南唐 | 南唐 | 南唐 | 有 | 有 | 有 | 有 | 有 | 有 | 有 |
| 南唐 | 南唐 | 南唐 | 南唐 | 南唐 | 有 | 有 | 有 | 有 | 有 | 有 | 有 |
| 有 | 有 | 有 | 有 | 有 | 東漢 | 東漢 | 有 | 有 | 有 | 有 | 東漢 |

黔龍文茂維雅黎邛簡祭資陵

蜀武泰 蜀 蜀 蜀 蜀 蜀 蜀 蜀 蜀 蜀 蜀

有後蜀 有後蜀 有後蜀 有後蜀 有後蜀 有後蜀 有後蜀 有後蜀 有後蜀 有後蜀

蜀 蜀 蜀 蜀 蜀 蜀 蜀 蜀 蜀 蜀 蜀

蜀 蜀 蜀 蜀 蜀 蜀 蜀 蜀 蜀 蜀 蜀

合瀘渝涪通開利興萬忠夔施

蜀 蜀 蜀 蜀 蜀 蜀 蜀 蜀 蜀 蜀 蜀 蜀 蜀 蜀

有後蜀 有後蜀 有後蜀 有後蜀 有後蜀 有後蜀 有後蜀 有後蜀 有後蜀 有後蜀 有後蜀 有後蜀

蜀 蜀 蜀 蜀 蜀 蜀 蜀 蜀 蜀 蜀 蜀 蜀 蜀 蜀

蜀 蜀 蜀 蜀 蜀 蜀 蜀 蜀 蜀 蜀 蜀 蜀 蜀 蜀

| | | | | | | | | | | | |
|----|----|----|----|----|----|----|----|----|----|----|----|
| 欽 | 廣 | 橫 | 賓 | 潯 | 惠 | 鬱林 | 英 | 雄 | 瓊 | 崖 | 儋 |
| 南漢 | 南漢 | 南漢 | 南漢 | 南漢 | 南漢 | 南漢 | | | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |
| 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 | 南漢 |

萬安 南漢 南漢 南漢 南漢 南漢 南漢 南漢 南漢 南漢
 羅 南漢 南漢 南漢 南漢 南漢 南漢 南漢 南漢 南漢
 潘 南漢 南漢 南漢 南漢 南漢 南漢 南漢 南漢 南漢
 勤 南漢 南漢 南漢 南漢 南漢 南漢 南漢 南漢 南漢
 龍 南漢 南漢 南漢 南漢 南漢 南漢 南漢 南漢 南漢
 辨 南漢 南漢 南漢 南漢 南漢 南漢 南漢 南漢 南漢

汴州唐改曰宣武軍梁以汴州為開封府建為東都後唐
 滅梁復為宣武軍晉天福三年升為東京漢周因之
 洛陽梁唐晉漢周常以為為都唐故為東都梁為西都後唐
 為洛京晉為西京漢周因之

雍州唐故上都昭宗遷洛廢為佑國軍梁初改京兆府曰
 大安佑國軍曰永平唐滅梁復為西京晉廢為晉昌軍漢

改曰永興周因之

曹州故屬宣武軍節度晉開運二年置威信軍漢初軍廢
周廣順二年復置彰信軍

宋州故屬宣武軍節度梁初徙置宣武軍唐滅梁改曰歸
德

陳州故屬忠武軍節度晉開運二年置鎮安軍漢初軍廢
周廣順二年復之

許州唐故曰忠武梁改曰匡國唐滅梁復曰忠武

滑州唐故曰義成以避梁王父諱改曰宣義唐滅梁復其
故

襄州唐故曰山南東道唐梁之際改曰忠義軍後以延州
爲忠義襄州復曰山南東道

鄧州故屬山南東道節度梁破趙匡凝分鄧州置宣化軍

唐改曰威勝周改曰武勝

安州梁置宣威軍唐改曰安遠晉罷漢復曰安遠周又罷

晉州故屬護國軍節度梁開平四年置定昌軍貞明三年
改曰建寧唐改曰建雄

金州故屬山南東道節度唐末置戎昭軍已而廢之遂入
于蜀至晉高祖時又置懷德軍尋罷

陝州唐故曰保義梁改曰鎮國後唐復曰保義

華州唐故曰鎮國梁改曰感化後唐復曰鎮國

同州唐故曰匡國梁改曰忠武後唐復曰匡國

耀州本華原縣唐末屬李茂貞建爲耀州置義勝軍梁末
帝時茂貞養子溫韜以州降梁梁改耀州爲崇州義勝曰

靜勝後唐復爲耀州改曰順義

延州故屬保大軍節度梁置忠義軍唐改曰彰武

魏州唐故曰大名府置天雄軍五代皆因之後唐建鄴都

晉漢因之至周罷大名府後唐曰興唐晉曰廣晉漢周復

曰大名

澶州故屬天雄軍節度晉天福九年置鎮寧軍

相州故屬天雄軍節度梁末帝分置昭德軍而天雄軍亂

遂入于晉莊宗滅梁復屬天雄晉高祖置彰德軍

邢州故屬昭義軍節度昭義所統澤潞邢洛磁五州唐末

孟方立爲昭義軍節度使徙其軍額于邢州而澤潞二州

入于晉方立但有邢洛磁三州故當唐末有兩昭義軍梁

晉之爭或入于梁或入于晉梁以邢洛磁三州爲保義軍

莊宗滅梁改曰安國

鎮州故曰成德軍梁初以成音犯廟諱改曰武順唐復曰

成德晉又改曰順德漢復曰成德

應州故屬大同軍節度唐明宗即位以其應州人也乃置

彰國軍新州唐同光元年置威塞軍

府州晉置永安軍漢罷之周復

并州後唐建北都其軍仍曰河東

潞州唐故曰昭義梁末帝時屬梁改曰匡義歲餘唐滅梁

改曰安義晉復曰昭義

盧州周世宗克淮南置保信軍

壽州唐故曰忠正南唐改曰清淮周世宗平淮南復曰忠

正

五代之際外屬之州揚州曰淮南宣州曰寧國鄂州曰武昌洪州曰鎮南福州曰武威杭州曰鎮海越州曰鎮東江陵府曰荆南益州梓州曰劍南東西道遂州曰武信興元府曰山南西道洋州曰武定黔州曰黔南潭州曰武安桂州曰靜江容州曰寧遠邕州曰建武廣州曰清海皆唐故號更五代無所易而今因之者也其餘僭偽改置之名不可悉考而不足道其因著于今者略注于譜

濟州周廣順二年置割鄆州之鉅野鄆城兗州之任城單州之金鄉爲屬縣而治鉅野

單州唐末以宋州之碭山梁太祖鄉里也爲置輝州已而徙治單父後唐滅梁改輝州爲單州其屬縣置徙傳記不同今領單父碭山成武魚臺四縣

耀州李茂貞置治華原縣梁初改曰崇州唐同光元年復爲耀州

解州漢乾祐元年九月置割河中之聞喜安邑解三縣爲屬而治解

威州晉天福四年置割靈州之方渠寧州之木波烏嶺三鎮爲屬而治方渠周廣順二年改曰環州顯德四年廢爲

通遠軍

五代置軍六皆寄治於縣隸於州故不別出監者物務之名爾故不載於地理皇朝軍監始自置屬縣與州府並列矣

乾州李茂貞置治奉先縣

磁州梁改曰惠州唐復曰磁州

景州唐故置弓高周顯德二年廢爲定遠軍割其屬安陵縣屬德州廢弓高縣入東光縣爲定遠軍治所

濱州周顯德三年置以其濱海爲名初五代之際置推盈

務於海傍後為贍國軍周因置州割棣州之渤海蒲臺為屬縣而治渤海

雄州周顯德六年克瓦橋關置治歸義割易州之容城為屬縣廢

霸州周顯德六年克益津關置治永清割莫州之文安瀛州之大城為屬

通州本海陵之東境南唐置靜海制置院周世宗克淮南升為靜海軍後置通州分其地置靜海海門二縣為屬而治靜海

筠州南唐李景置割洪州之高安上高萬載清江四縣為屬而治高安

劍州南唐李景置割建州之延平劍浦富沙三縣為屬而

治延平

全州楚王馬希範置以潭州之湘川縣為清湘縣又割淮陽縣為屬而治清湘

秀州吳越王錢元瓘置割杭州之嘉興縣為屬而治之

雄州南漢劉龔割韶州之保昌置治保昌

英州南漢劉龔割廣州之浚陽置治浚陽

開封府故統六縣梁開平元年割滑州之酸棗長垣鄭州之中牟陽武宋州之襄邑曹州之考城更曰戴邑許州之扶溝陽陵陳州之太康隸焉唐分酸棗中牟襄邑陽陵太康五縣還其故晉升汴州為東京復割五縣隸焉

雍丘晉改曰杞漢復其故長垣唐改曰匡城

黎陽故屬滑州晉割隸衛州

同治卷三

八

葉襄城故屬許州唐割隸汝州

楚丘故屬單州梁割隸宋州

密州膠西故曰輔唐梁改曰安丘唐復其故晉改曰膠西

渭南故屬京兆周改隸華州

同官故屬京兆府梁割隸同州唐割隸耀州

美原故屬同州李茂貞置昂州而治之梁改爲裕州屬順

義軍節度後不見其廢時唐同光三年割隸耀州

平涼故屬涇州唐末渭州陷吐蕃權於平涼置渭州而縣

廢後唐清泰三年以故平涼之安國耀武兩鎮置平涼縣

屬涇州

臨涇故屬涇州唐末原州陷吐蕃權於臨涇置原州而涇

州兼治其民後唐清泰三年割隸原州

鄜州咸寧周廢

稷山故屬河中唐割隸絳州

慈州作城呂香周廢

大名府大名唐故曰貴鄉後唐改曰廣晉漢改曰大名

滄州長蘆乾符周廢入清池無隸周置保順軍

安陵故屬景州周割隸德州

澶州頓丘晉置德清軍

博州武水周廢入聊城

博野故屬深州周割隸定州

武康故屬湖州梁割隸杭州

福州閩清梁乾化元年王審知於梅溪場置

蘇州吳江梁開平三年錢鏐置

明州望海梁開平三年錢鏐置

夏州長松故曰松陽梁改曰長松

潭州龍喜漢乾祐三年馬希範置

天長六合故屬揚州南唐以天長為軍六合為柱州周復

漢陽故屬鄂州周置漢陽軍

汝州故屬沔州周割隸安州

襄州樂鄉周廢入宜城

鄧州臨湍漢改曰臨賴約潭向城周廢

復州竟陵晉改曰景陵

監利故屬復州梁割隸江陵

唐州慈丘周廢

商州乾元漢改曰乾祐割隸京兆

各南故屬華州周割隸唐州

隨州唐城梁改曰漢東後唐復舊晉又改漢東漢復舊

雄勝軍本鳳州固鎮周置軍

秦州天水隴城唐末廢後唐復置

成州栗亭後唐置

自唐有方鎮而史官不錄於地理之書以謂方鎮兵戎之

事非職方所掌故也然而後世因習以軍自地而沒其州

名若今永興本節度軍名而今命守臣遂曰又今置軍者徒以虛

名升建為州府之重此不可以不書也州縣凡唐故而廢

於五代若五代所置而見於今者及縣之割隸今因之者

皆宜列以備職方之考其餘嘗置而後廢嘗改割而復舊

者皆不足書山川物俗職方之掌也五代短世無所遷變故亦不復錄而錄其方鎮軍名以與前史互見之云

五代史記卷第六十一

五代史記卷第六十一

吳世家一

宋歐陽脩撰徐無黨注明王文盛高毅傳文舟校

嗚呼自唐失其政天下乘時黥髡盜賊羸羸我魏吳暨南唐姦豪竊攘蜀險而富漢險而貧貧能自彊富者先亡閩陋荆楚楚開蠻服剝剝弗堪吳越其尤牢牲視人嶺蠻遭劉百年之間並起爭雄山川亦絕風氣不通語曰清風興群陰伏日月出燭火息故真人作而天下同作十國世家

揚行密字化源廬州合肥人也為人長大有力能手舉百斤唐乾符中江淮群盜起行密以為盜見獲刺史鄭榮奇其狀貌釋縛縱之後應募為州兵戍朔方遷隊長歲滿戍還而軍吏惡之復使出戍行密將行過軍吏舍軍吏陽為

好言問行密行何所欲行密奮然曰惟少公頭爾即斬其首攜之而出因起兵爲亂自號八營都知兵馬使刺史郎幼復弃城走行密遂據廬州中和三年唐即拜行密廬州刺史淮南節度使高駢爲軍師鐸所攻駢表行密行軍司馬行密率兵數千赴之行至天長師鐸已囚駢乃宣州秦彥入揚州行密不得入屯于蜀岡師鐸率衆數萬出擊行密行密陽敗弃營走師鐸兵饑乘勝爭入營取軍實行密反兵擊之師鐸大敗單騎走入城遂殺高駢行密聞駢死縞軍向城哭三日攻其西門彥及師鐸奔于東塘行密遂入揚州是時城中倉廩空虛饑民相殺而食其夫婦父子自相牽就屠賣之屠者刳剔如羊豕行密不能守欲走而蔡州秦宗權遣其弟宗衡掠地淮南彥及師鐸還自東塘

與宗衡合行密閉城不敢出已而宗衡爲偏將孫儒所殺儒攻高郵破之行密益懼其客表襲曰吾以新集之衆守空城而諸將多駢舊人非有厚恩素信力制而心服之也今儒兵方盛所攻必克此諸將持兩端因疆弱擇嚮背之時也海陵鎮使高霸駢之舊將必不爲吾用行密乃以軍令召霸霸率其兵入廣陵行密欲使霸守天長襲曰吾以疑霸而召之其可復用乎且吾能勝儒無所用霸不幸不勝天長豈吾有哉不如殺之以并其衆行密因犒軍擒霸族之得其兵數千已而孫儒殺秦彥畢師鐸并其兵以攻行密行密欲走海陵襲曰海陵難守而廬州吾舊治也城廩完實可爲後圖行密乃走廬州久之未知所嚮問襲曰吾欲卷甲倍道西取洪州可乎襲曰鍾傳新得江西勢未

可圖而秦彥之入廣陵也召池州刺史趙鏗委以宣州今
彥且死鏗失所恃而守宣州非其本志且其爲人非公敵
此可取也行密乃引兵攻鏗戰于昌山大敗之進圍宣州
鏗弃城走追及殺之行密遂入宣州龍紀元年唐拜行密
宣州觀察使行密遣田頴安仁義李神福等攻浙西取蘇
常潤州二年取滁和州景福元年取楚州孫儒自逐行密
入廣陵久之亦不能守乃焚其城殺民老疾以餉軍驅其
衆渡江號五十萬以攻行密諸將田頴劉威等遇之輒敗
行密欲走銅官其客戴友規曰儒來氣銳而兵多蓋其鋒
不可當而可以挫其衆不可敵而可義以救之若避而走
是就擒也劉威亦曰背城堅柵可以不戰疲之行密以爲然
久之儒兵饑又大疫行密悉兵擊之儒敗被擒將死仰顧

見威曰聞公爲此策以敗我使我有將如公者其可敗邪
行密收儒餘兵數千以皂衣蒙甲號黑雲都常以爲親軍
是歲復入揚州唐拜行密淮南節度使乾寧二年加檢校
太傅同中書門下平章事行密以田頴守宣州安仁義守
潤州昇州刺史馮弘鐸來附分遣頴等攻掠自淮以南江
以東諸州皆下之進攻蘇州擒其刺史成及四年兗州朱
瑾奔于行密初瑾爲梁所攻求救于晉晉遣李承嗣將勁
騎數千助瑾瑾敗因與俱奔行密行密兵皆江淮人淮人
輕弱得瑾勁騎而兵益振是歲梁太祖遣葛從周龐師古
攻行密壽州行密擊敗梁兵清口殺師古而從周收兵走
追至淝河又大敗之五年錢鏐攻蘇州及周本戰于白方
湖本敗蘇州復入于越天復元年遣李神福攻越戰臨安

大敗之擒其將顧全武以歸二年馮弘鐸叛襲宣州及田
頤戰于曷山弘鐸敗將入于海行密自至東塘邀之使人
謂弘鐸曰勝敗用兵常事也一戰之衄何苦自弃于海島
吾府雖小猶足容君弘鐸感泣行密從十餘騎馳入其軍
以弘鐸歸爲節度副使以李神福代弘鐸爲昇州刺史是
歲唐昭宗在岐遣江淮宣諭使李儼拜行密東面諸道行
營都統檢校太師中書令封吳王三年以李神福爲鄂岳
招討使以攻杜洪荆南成汭救洪神福敗之于君山梁兵
攻青州王師範來求救遣王茂章救之大敗梁兵殺朱友
寧友寧梁太祖子也太祖大怒自將以擊茂章兵號二十
萬復爲茂章所敗田頤叛襲昇州執李神福妻子歸于宣
州行密召神福以討頤頤遣其將王壇逆之又遣神福書

以其妻子招之神福曰吾以一卒從吳王起事今爲大將
忍背德而顧妻子乎立斬其使以自絕軍士聞之皆感奮
行至吉陽磯頤執神福子承鼎以招之神福叱左右射之
遂敗壇兵于吉陽行密別遣臺蒙擊頤頤敗死初頤及安
仁義朱延壽等皆從行密起微賤及江淮用定思漸休息
而三人者皆猛悍難制頤欲除之未有以發天復二年錢
鏐爲其將許再思等叛而圍之再思召頤攻鏐杭州垂克
而行密納鏐賂命頤解兵頤恨之頤嘗計事廣陵行密諸
將多就頤求賂而獄吏亦有所求頤怒曰吏欲我下獄邪
歸而遂謀反仁義聞之亦反焚東塘以襲常州常州刺史
李遇出戰望見仁義大罵之仁義止其軍曰李遇乃敢辱
我如此其必有伏兵遂引軍却而伏兵果發追至夾岡仁

義植幟解甲而食遇兵不敢追仁義復入潤州行密遣王茂章李德誠米志誠等圍之吳之軍中推朱瑾善射志誠善射皆爲第一而仁義常以射自負曰志誠之弓十不當瑾槩之一瑾槩之十不當仁義弓之一每與茂章等戰必命中而後發以此吳軍畏之不敢近行密亦欲招降之仁義猶豫未決茂章乘其怠完地道而入執仁義斬于廣陵延壽者行密夫人朱氏之弟也頽及仁義之將叛也行密疑之乃陽爲目疾每接延壽使者必錯亂其所見以示之嘗行故觸柱而仆朱夫人扶之良久乃蘇泣曰吾業成而喪其目是天廢我也吾兒子皆不足以任事得延壽付之吾無恨矣夫人喜急召延壽延壽至行密迎之寢門刺殺之出朱夫人以嫁之天祐二年遣劉存攻鄂州焚其城

城中兵突圍而出諸將請急擊之存曰擊之復入則城愈固聽其去城可取也是日城破執杜洪斬于廣陵九月梁兵攻破襄州趙匡凝奔于行密十一月行密卒年五十四謚曰武忠子渥立溥僭號追尊行密爲太祖武皇帝陵曰興陵

渥字承天行密長子也行密病出渥爲宣州觀察使右衙指揮使徐溫私謂渥曰今王有疾而出嫡嗣必有女姦臣之謀若他日召子非溫使者憤無應命渥涕泣謝溫而去行密病甚命判官周隱作符召渥隱慮渥幼弱不任事勸行密用舊將有威望者代主軍政乃薦大將劉威行密未許溫與嚴可求入問疾行密以隱議告之溫等大驚遽詣隱所計事隱未出而溫見隱作召符猶在案上急取遣之渥

見溫使者乃行行密卒渥嗣立召周隱罵曰汝欲賣吾國者復何面目見楊氏乎遂殺之以王茂章爲宣州觀察使渥之入也多輦宣州庫物以歸廣陵茂章惜而不與渥怒命李簡以兵五千圍之茂章奔于錢塘天祐三年二月劉存取岳州四月江西鍾傳卒其子匡時代立傳養子延規怨不得立以兵攻匡時渥遣秦裴率兵攻之九月克洪州執匡時及其司馬陳象以歸斬象於市赦匡時以秦裴爲江西制置使梁太祖代唐改元開平渥仍稱天祐鄂州劉存岳州陳知新以舟師伐楚敗于瀏陽楚人執存及知新以歸楚王馬殷素聞其名皆欲活之存等大罵殷曰昔歲宣城脫吾刃下今日之敗乃天亡我我肯事汝以求活邪我豈負楊氏者殷知不可屈乃殺之岳州復入于楚初渥

之入廣陵也留帳下兵三千於宣州以其腹心陳璠范遇將之既入立惡徐溫典牙兵召璠等爲東院馬軍以自衛而溫與左衙都指揮使張顥皆行密時舊將又有立渥之功共惡璠等侵其權四年正月渥視事璠等侍側溫顥擁牙兵入拽璠等下斬之渥不能止由是失政而心憤未能發溫等益不自安五年五月溫顥共遣盜入寢中殺渥渥說群盜能反殺溫等者皆爲刺史群盜皆諾惟紀祥不從執渥縊殺之時年二十三謚曰景弟隆演立溥僭號追尊渥爲烈宗景皇帝陵曰紹陵

隆演字鴻源行密第二子也初名瀛又名渭初溫顥之殺渥也約分其地以臣於梁及渥死顥欲背約自立溫患之問其友嚴可求可求曰顥雖剛愎而闇於成事此易爲也

明日顯列劔戟府中召諸將議事自大將朱瑾而下皆去
衛從然後入顯問諸將誰當立者諸將莫敢對顯三問可
求前密啓曰方今四境多虞非公主之不可然恐爲之大
速且今外有蜀威陶雅李簡李遇皆先王一等人也公雖
自立未知此輩能降心以公事否不若輔立幼主漸以歲
時待其歸心然後可也顯不能對可求因趨出書一教內
袖中率諸將入賀諸將莫知所爲及出教宣之乃溘母史
氏教言楊氏創業艱難而嗣王不幸隆演以次當立告諸
將以無負楊氏而善事之辭旨激切聞者感動顯氣色皆
沮卒無能爲隆演乃得立顯由此與溫有隙諷隆演出溫
潤州可求謂溫曰今捨衙兵而出外郡禍行至矣溫患之
可求因說顯曰公與徐溫同受顧託議者謂公奪其衙

是將殺之於外信乎顯曰事已行矣安可止乎可求曰甚
易也明日從顯與諸將造溫可求小陽責溫曰古人不以一
飯之恩况公楊氏三世之將今以嗣新立多事之時乃求
居外以苟安乎溫亦陽謝曰公等見留不願去也由是不
行行軍副使李承嗣與張顥善顥見可求有附溫意諷顥使
客夜刺殺之客刺可求不能中明日可求詣溫謀先殺顥
陰遣鍾章選壯士三十人就衙堂斬顥因以弑渥之罪歸
之溫由是專政隆演備位而已六月撫州危全諷叛攻洪
州袁州彭彥章吉州彭玕信州危仔倡皆起兵叛隆演召
嚴可求問誰可用者可求薦周本時本方攻蘇州敗歸慙
不肯出可求彊起之本曰蘇州之敗非怯也乃上將權輕
而下多專命爾若必見任願無用偏裨乃請兵七千戰于

象牙潭敗之執全諷彥章而珣奔于楚仔倡奔于錢塘全諷至廣陵諸將議曰昔先王攻趙鏗全諷屢饒給吳軍乃釋不殺初全諷欲舉兵也錢鏐送王茂章于梁道過全諷謂曰聞公欲大舉願見公兵以知濟否全諷陣兵與茂章登城望之茂章曰我素事吳吳兵三等如公此眾可當其下將爾非得益兵十萬不可而全諷卒以此敗八年徐溫領昇州刺史治舟師於金陵宣州李遇自行密時為大將勳位已高憤溫用事嘗曰徐溫何人吾猶未識而驟至於此溫聞之怒遣柴再用以兵送王壇代遇且召之遇疑不受命再用圍之隆演使客將何堯諭遇使自歸堯因說曰公若欲反可殺堯以示眾若本無心何不隨堯以出遇自以無反心乃隨堯出溫諷再用伺其出殺之并族其家九

年溫率將吏進隆演位太師中書令吳王溫為行軍司馬鎮海軍節度使同中書門下平章事陳章攻楚取岳州執其刺史苑玟十年越人攻常州徐溫敗之于無錫梁遣王茂章攻壽春溫敗之于霍丘十二年封徐溫齊國公兩浙都招討使始鎮潤州留其子知訓為行軍副使秉政而大事溫遙決之冬濬楊林江水中出火可以燃十三年宿衛將李球馬謙挾隆演登樓取庫兵以誅知訓陣于門橋知訓與戰頻却朱瑾適自外來以一騎前視其陣曰此不足為也因返顧一麾外兵爭進遂斬球謙而亂兵皆潰十四年徐溫徙治金陵十五年遣王祺會洪表信三州兵攻虔韶乂之不克祺病以劉信代之夏四月副都統朱瑾殺徐知訓瑾自殺潤州徐知誥聞亂率兵入殺唐宣諭使李嚴

以止亂遂秉政徐氏之專政也隆演幼懦不能自持而知訓左凌侮之嘗飲酒樓上命優人高貴卿侍酒知訓爲參軍隆演鶉衣髻髻爲蒼鶉知訓嘗使酒罵坐語侵隆演隆演愧耻涕泣而知訓愈辱之左右扶隆演起去知訓殺吏一人乃止吳人皆仄目知訓又與朱瑾有隙瑾已殺知訓携其首馳府中示隆演曰今日爲吳除患矣隆演曰此事非吾敢知遽起入內瑾忿然以首擊柱提劍而出府門已闔踰垣折其足遂自刎死米志誠聞瑾殺知訓被甲率其家兵至天興門問瑾所在聞瑾死乃還徐溫疑志誠助瑾遣使殺之嚴可求懼事不克使人僞從湖南境上來告軍捷召諸將入賀擒志誠斬之劉信克虔州執譚全播以歸十六年春二月溫率將吏請略演即天子位不許夏四月

溫奉王冊寶綬尊隆演即吳王位建宗廟社稷設百官如天子之制改天祐十六年爲武義元年大赦境內追尊行密孝武王廟號太祖渥景王廟號烈祖拜溫大丞相都督中外諸軍事封東海郡王以徐知誥爲左僕射參知政事嚴可求爲門下侍郎駱知祥爲中書侍郎殷文圭沈顏爲翰林學士盧擇爲吏部尚書李宗陳璋爲左右雄武統軍柴再用錢鏐爲左右龍武統軍王令謀爲內樞使江西劉信征南大將軍鄂州李簡鎮西大將軍撫州李德誠平南大將軍廬州張崇安西大將軍海州王綰鎮東大將軍文武以次進位封宗室皆郡公溫之徙鎮金陵也以其養子知誥守潤州嚴可求嘗謂溫曰二郎君非徐氏子而推賢下士人望頗歸若不去之恐爲後患溫不能用其言及知

誥秉政其語世知誥出可求於楚州可求懼詣金陵見溫
謀曰唐亡於今十二年而吳猶不敢改天祐可謂不負唐
矣然吳所以征伐四方而建基業者常以復興爲辭今聞
河上之戰梁兵屢絀若李氏復興其能屈節乎宜於此時
先建國以自立溫深然之因留可求不遣方謀迫隆演僭
號二年五月隆演卒隆演少年嗣位權在徐氏及建國稱
制非其意常快快酣飲稀復進食遂至疾卒年二十四謚
曰宣弟溥立僭號追尊爲高祖宣皇帝陵曰肅陵

溥行密第四子也隆演建國封丹陽郡公隆演卒弟廬
公蒙次當立而徐氏秉政不欲長君乃立溥七月改昇州
大都督府爲金陵府拜徐溫金陵尹明年二月改元順義
赦境內冬十一月祀天於南郊御天興樓大赦拜徐溫太

師嚴可求右僕射三年唐莊宗滅梁遣司農卿盧蘋使平
唐嚴可求密條數事授之以行蘋見洛陽莊宗問之蘋次
第以對皆如所授四年溥至白沙閱舟師徐溫來見以白
沙爲迎鑾鎮五年唐遣諫議大夫薛昭文使福州假道江
西劉信出笏之謂曰亞次聞有信否昭文曰天子新有河
南未熟公名也信曰漢有韓信吳有劉信君還其語亞次
當來較射於淮上也○酌大卮望牙旗鏡首百步謂昭文
曰一發而中願以此卮爲壽否則亦以自罰言訖而箭已
穿矣六年追爵大丞相徐溫四代祖考立廟於金陵左僕
射徐知誥爲侍中右僕射嚴可求同平章事是歲莊宗崩
五月丁卯詔爲同光王輟朝七日七年大丞相徐溫率吳
文武上表勸溥即皇帝位溥未許而溫病十月溫卒十月

庚戌溥御文明殿即皇帝位改元曰乾貞大赦境內追尊
行密武皇帝渥景皇帝隆演宣皇帝以徐知誥為大尉兼
侍中拜溫子知詢輔國大將軍金陵尹治溫舊鎮諸子皆
封王二年正月封東海為廣德王江濱廣源王淮濱長源
王馬當上水府寧江王米石中水府定江王金山下水府
鎮江王六月荆南高季興來附封季興秦王九月季興敗
楚師於白田獲其將吏三十四人來獻二年十一月金陵
尹徐知詢來朝知誥誣其有反狀留之不遣以為左統軍
斬其客將周廷望以徐知諤為金陵尹溥加尊號睿聖
明孝皇帝大赦境內改元大和以徐知誥為中書令二年
冊其子江都王璉為太子三年以徐知誥為金陵尹以其
子景通為司徒及左僕射王令謀右僕射宋齊丘皆平章

事四年封知誥東海王五年建都於金陵六年閏正月金
陵火罷建都廢臨川王蒙為麻陽公知誥遣親信王宏以
兵守之拜王令謀司徒宋齊丘司空知誥召景通還金陵
為鎮海軍節度副使以其子景遷為少保平章事與令謀
等執政七年九月溥加尊號曰睿聖文明光孝應天弘道
廣德皇帝大赦改元天祚知誥進位太師天下兵馬大元
帥封齊王二年景遷病以次子景遂為門下侍郎參政事
三年知誥建齊國立宗廟社稷置左右丞相已下以金陵
為西都廣陵為東都冬十月溥遣江夏王麟奉冊禪位於
齊王十二月溥卒於丹陽年三十八謚曰睿昇元六年李
昇遷其子孫於海陵號末寧宮嚴兵守之絕不通人久而
男女自為匹偶吳人多哀憐之顯德三年世宗征淮南下

詔撫安楊氏子孫而李昇聞之遣人盡殺其族周先鋒都
部署劉重進得其玉硯馬腦椀翡翠瓶以獻楊氏遂絕
徐溫字敦美海州朐山人也少以販鹽爲盜行密起合肥
以隸帳下行密所與起事劉城陶雅之徒號三十六英雄
獨溫未嘗有戰功及行密欲殺朱廷壽等溫用其客嚴可
求謀教行密陽爲目疾事成以功遷右衛指揮使始預謀
議及行密病平生舊將皆以戰守在外而溫居帳下遂預
立渥之功及弒渥又與張顥有隙使鍾章殺之章許諾選
壯士三十人椎牛烹之刺血爲盟溫猶疑章不果夜半使
人探其意陽謂曰溫有老母懼事不成不如且止章曰言
已出口寧可已乎溫乃安明日鍾章殺顥溫因盡殺紀祥
等歸弒渥之罪於顥以其事入白渥母史氏史氏悼而泣

曰吾兒年幼禍亂若此得保百口以歸合肥公之惠也隆
演立溫遂專政遷昇州刺史治舟師於金陵大將李遇怒
溫用事出嫚言溫使柴再用族遇於宣州行密舊將人
皆自疑溫因爲下之恭謹如見行密諸將乃安八年溫遷
行軍司馬潤州刺史鎮海軍節度使同平章事十年遣招
討使李濤攻越戰于臨安裨將曹筠奔于越濤敗被執溫
間遣人語筠曰吾用汝爲將汝軍有求吾不能給是吾過
也赦筠妻子不誅厚遇之秋越人攻毗陵溫戰于無錫筠
感溫前言臨陣奔歸遂敗越兵十二年封溫齊國公兼兩
浙招討使始就鎮潤州以昇潤宣常池黃六州爲齊國溫
城昇州建大都督府十四年徙治之以其子知訓輔隆演
於廣陵而大事溫遙決之知訓爲朱瑾所殺溫養子知誥

自潤州先入遂得政溫雖姦詐多疑而善用將吏江西劉
信園虔州久不克使人說譚全播出降遣使報溫溫怒曰
信以十倍之衆攻一城不下而反用說客降之何以威敵
國咎其使者而遣之曰吾以公信也因命齊師遂破全播
人有誣信逗留陰縱全播言信將反者信聞之因自擊捷
至金陵見溫溫與信博信斂散子厲聲祝曰劉信欲背吳
願為惡彩苟無二心當成渾花溫遽止之一擲六子皆赤
溫慙自以卮酒飲信然終疑之及唐師伐王衍溫急召信
至廣陵以爲左統軍託以內備遂奪其地溫客尤見信者
惟駱知祥嚴可求可求善籌畫知祥長於財利溫嘗以軍
旅問可求國用問知祥吳人謂之嚴駱溫亦自喜爲智詐
左得吳人之心初隨行密破趙鏗諸將皆爭取金帛溫獨

據餘困作粥以食餓者十六年溫請降演即皇帝位不許
又請即吳王位乃許遂建國改元拜溫大丞相都督中外
諸軍事封東海郡王隆演卒溫越次立其弟溥順義十年
溫又請溥即皇帝位溥未許而溫病卒年六十六追封齊
王謚曰忠武李昇僭號號溫爲義祖

嗚呼盜亦有道信哉行密之書稱行密爲人寬仁雅信能
得士心其將蔡勳叛於廬州悉毀行密墳墓及勳敗而諸
將皆請毀其墓以報之行密嘆曰勳以此爲惡吾豈復爲
邪嘗使從者張洪負劔而侍洪拔劔擊行密不中洪死復
用洪所善陳紹負劔不疑又嘗罵其將劉信信忿奔孫儒
行密戒左右勿追曰信豈負我者邪其醉而去醒必復來
明日果來行密起於盜賊其下皆驍武雄暴而樂爲之用

知訓為朱瑾所殺温居金陵未及聞昇居潤州近廣陵得先聞即以州兵渡江定亂遂得政昇事徐温甚孝謹温嘗罵其諸子不如昇諸子頗不能容而知訓尤甚嘗召昇飲酒伏劔士欲害之行酒吏刁彦能覺之酒至昇以手爪搯之昇悟起走乃免後昇自潤州入覲知訓與飲於山光寺又欲害之徐知諫以其謀告昇昇起趨去知訓以劔授刁彦能使追殺之及於中途而還給以不及由是得免後昇貴以彦能為撫州節度使知訓之用事也嘗凌弱楊氏而驕侮諸將遂以見殺及昇秉政欲收人心乃寬刑法推因信起延賓亭以待四方之士引宋齊丘駱知祥王令謀等為謀客士有羈旅於吳者皆齒用之嘗陰使人察視民間有婚喪賈乏者往往賙給之盛昱者未嘗張蓋操扇左右

進蓋必却之曰士衆尚多且露我何用此以故温雖遥秉大政而吳人頗已歸昇武義元年拜左僕射參知政事温行軍司馬徐玠數勸温以己子代昇温遣子知詢入廣陵謀代昇秉政會温病卒知詢奔還金陵玠反為昇謀誣知詢以罪斬其客將周廷望以知詢為右統軍楊溥僭號拜昇太尉中書令大和三年出鎮金陵如温之制留其子景通為司徒同平章事以王令謀宋齊丘為左右僕射同平章事四年封昇東海郡王昇照鑑見白髮頹頽其吏周宗嘆曰功業已就而吾老矣本宗何宗知其意馳詣廣陵見宋齊丘謀禪代齊丘以為未可請斬宗以謝吳人昇黜宗為池州刺史吳臨江王濛者怨徐氏捨己而立溥心嘗不平及昇將謀篡國先廢濛為歷陽公使吏以兵守之濛殺守者

奔廬州節度使周本本出舊將也聞濛至欲納之為其子
祚所止本曰此吾故主家即君也何忍拒之遽自出迎濛
祚閉門濛本不得出縛濛送金陵見殺五年昇封齊王已
而閩越諸國皆遣使勸進昇謂人望已歸天祚三年建齊
國置宗廟社稷以宋齊丘徐玠為左右丞相十月溥遣攝
太尉楊璘傳位於昇國號齊改元昇元昇以冊尊溥曰受
禪老臣知誥謹上冊皇帝為高尚思玄弘古讓皇帝遣尊
徐溫為忠武皇帝封子景為吳王封徐氏子知證江王知
諤饒王周本與諸將至金陵勸進歸而嘆曰吾不能誅篡
國者以報楊氏今老矣豈能事二姓乎憤恹而死二年四
月遷楊溥於潤州丹陽宮以王輿為浙西節度使馬思讓
為丹陽宮使以嚴兵守之徐氏諸子請昇復姓昇謙抑不

敢忘徐氏因下其議百官百官皆請然後復姓李氏改名
曰昇自言唐憲宗子建王恪生超超生志為徐州判司志
生榮乃自以為建王四世孫改國號曰唐立唐高祖太宗
廟追尊四代祖恪為孝靜皇帝廟號定宗曾祖超為孝平
皇帝廟號成宗祖志孝安皇帝廟號惠宗考榮孝德皇帝
廟號慶宗奉徐溫為義父徐氏子孫皆封王公女封郡縣
主以門下侍郎張居詠中書侍郎李建勳右僕射張延翰
同平章事十一月以步騎八萬講武於銅槁楊溥卒於丹
陽宮溥子璉為吳太子時昇以女妻之及昇篡國封其女
永興公主女聞人呼公主必悲咽流涕而辭宮中皆憐之
溥卒以璉為康化軍節度使已而以疾卒三年四月昇郊
祀昊天上帝於圓丘禮畢群臣請上尊號昇曰尊號非古

也不許州縣言民孝悌五代同居者七家皆表門閭復其
繇後其充盛者江州陳氏宗族七百口每食設席庶長幼
以次坐而共食有畜犬百餘共一牢食一犬不至諸犬為
之不食四年六月晉安州節度使李金全叛送款于昇昇
遣鄂州屯營使李承裕迎之承裕與晉將馬全節安審暉
戰安陸南二戰皆敗承裕與裨將段處恭皆死都監杜光
鄴及其兵五百人被執送于京師高祖厚賜之遣還昇致
書高祖復送光鄴等請以敗軍行次高祖又遣之昇以甲
士臨淮拒之乃止六年吳越國火焚其宮室府庫甲兵皆
盡群臣請乘其弊攻之昇不許遣使弔問厚賜其之錢
氏自吳時素為敵國昇見天下亂又嘗出厭用兵及將篡國
先與錢氏約和歸其所執將士錢氏亦歸吳敗將遂通好不

絕昇客馮延巳好論兵大言嘗謂昇曰田舍翁安能成大
事而昇志在守吳舊地而已無復經營之略也然吳人亦
賴以休息七年昇卒年五十六謚曰光文肅武孝高皇帝
廟號烈祖陵曰永陵子景立

景初名景通昇長子也既立又改名璟徐溫死昇專政以
為兵部尚書參知政事明年昇鎮金陵留景為司徒同平
章事與宋齊丘王令謀居廣陵輔揚溥昇將篡國召景歸
金陵為副都統昇立封齊王昇卒嗣立改元保大尊母宋
氏為皇太后妃鍾氏為皇后封弟壽王景遂為燕王宣城
王景達為鄂王景湯前未王為保寧王秋改封景遂齊王
諸道兵馬元帥太尉中書令景達為燕王副元帥盟於昇
柩前約兄弟世世繼立封其子冀南昌王江都尹冬十月

破虔州妖賊張遇賢遇賢循州羅縣小吏也初有神降羅縣民家與人言禍福輒中遇賢禱之神曰遇賢是羅漢可留事我是時南海劉龔死子玠初立嶺南盜賊起群盜千餘人未有所統問神當為主者神言遇賢家共推為帥遇賢自號中天八國王改元永樂置官屬群賊盜皆絳衣攻剽領外問神所嚮神曰當過嶺取虔州遂襲南康節度賈浩不能禦遇賢揚白雲洞造宮室有衆十餘萬連陷諸縣景遣洪州營屯虔候嚴思通事令吳滂鎬率兵攻之遇賢問神神不復語群盜皆懼遂執遇賢以降景以馮延巳常夢錫為翰林學士馮延巳曾為中書舍人陳覺為樞密使魏岑杳文徽為副使夢錫直宣政殿專掌密命而延巳等皆以邪佞用事吳人謂之五鬼夢錫屢言五人者不可用景

不納十二月景下令中外庶政委悉口口景遂參決惟陳覺杳文徽得奏事群臣非召見者皆不得入給事中蕭儼上疏切諫不報侍衛軍都虞候賈崇誚問求見景曰臣事先朝三十年見先帝所以成功業者皆用衆賢之謀故延接踈遠未嘗壅隔然下情猶時有不達者今陛下新即位所信用者何人杳何頓與臣下隔絕臣老即死恐無復一見顏色因泣下嗚咽景為之動容引與坐賜食而慰之遂寢所下令初宋齊丘為昇謀篡楊氏最有力及事成乃陽入九華山昇屢招之乃出昇僭號未幾齊丘以病罷相出為洪州節度使景立復召為相而陳覺魏岑等皆為齊丘所引用而杳與覺有隙諸覺杳左遷少府監齊丘亦罷相為浙西節度使齊丘不得意願復歸九華山賜號九華先

生封青陽公食青陽一縣二年二月閩人連重遇朱文進弒其君王延義文進自立是時延義弟延政亦自立於建州國號殷王氏兄弟連兵累年閩大亂景因其亂遣查文徽及待詔臧循發兵攻建州延政聞唐且攻之遣人給福州曰唐兵助我討賊矣福州信之共殺文進等以降延政遣其從子繼昌守福州文徽軍屯建陽福州將李仁達殺王繼昌自稱留後泉州將留從効亦殺其刺史黃紹頗皆送款於文徽四年八月文徽乘勝克建汀泉漳四州景分延平劍浦富沙三縣置劍州遷王延政之族于金陵以延政為饒州節度使李仁達為福州節度使從効為清源軍節度使景遂欲罷兵而查文徽陳覺等皆言仁達等餘孽猶在不若乘勝盡取之陳覺自言可不用尺兵致仁達等

景以覺為宣諭使召仁達朝金陵仁達不從覺慙還至建州矯命發汀建信撫州兵攻仁達時魏岑安撫漳泉聞覺起兵亦擅發兵會覺景大怒馮延巳等為言兵業行不可止乃以王崇文為招討使王建封為副使益兵以會之以延魯魏岑陳覺皆為監軍使仁達送款於吳越吳越以兵三萬應仁達覺等爭功進退不相應延魯與吳越兵先戰大敗而走諸軍皆潰歸景怒遣使者鎖覺延魯至金陵而馮延巳方為宰相宋齊兵復自九華召為太傅為稍解之乃流覺斬州延魯舒州韓熙載上書切諫請誅覺等齊立惡之貶熙載和州司馬是歲契丹陷京師中國無主而景方以覺等疲兵東南不暇北顧御史中丞江文蔚劾奏宰相馮延巳諫議大夫魏岑亂政與覺等同罪而不見貶黜

言其切直景大怒自荅其疏貶文蔚江州司士叅軍亦罷
延巳為少傅岑為太子洗馬五年以景遂為太弟景達為
元帥封齊王南昌王巽為副元帥封燕王契丹遣使來聘
以兵部尚書賈潭報聘六年漢李守貞反河中遣其客將
朱元來求援景以潤州節度使李金全為北面行營招撫
使兵攻沐陽聞守貞已敗乃還是時漢隱帝少中國衰弱
淮北羣盜多送款於景景遣皇甫暉出海泗諸州招納之
八年福州詐言吳越戍兵亂殺李仁達而遞遣人請建州
節度使查文徽文徽與劍州刺史陳誨下舟閩江趨應之
福州以兵出迎誨曰聞人多詐難信宜駐江岸徐圖之文
徽曰久則生變乘其未定亟取之留誨屯江口進至西門
伏兵發文徽被擒誨與越人戰大敗之獲其將馬先進景

送先進還越越亦歸景文徽是歲楚王馬希廣為其弟希
萼所弒希萼自立九年秋楚人囚希萼於衡山立其弟希
崇附于景楚國大亂景遣信州刺史邊鎬攻楚破潭州盡
遷馬氏之族于金陵景以希萼為洪州節度使希崇舒州
節度使以邊鎬為湖南節度使十年分洪州高安清江萬
載上高四縣置筠州以馮延巳孫忌為左右僕射同平章
事廣州劉晟乘楚之亂取桂管景遣將軍張巒出兵爭之
不克楚地新定其府庫空虚宰相馮延巳以克楚為功不
欲取費於國乃重餼其民以給軍楚人皆然而叛其將劉
言攻邊鎬鎬不能守遜歸十一年金陵大火踰月十二季
大饑民多疫死十三年十一月周師南征詔曰蠢爾淮南
敢拒大邦次血據一方僭稱偽號晉漢之代寰海未寧而乃

招納叛亡朋助兇逆金全之據安陸守貞之叛河中大起
師後來為應援迫奪閩越涂炭湘潭至於應接慕容馮陵
徐部沐陽之役曲直可知勾誘契丹入為邊患結連并壘
實我世讎罪惡難名人神共憤乃拜李穀為行營都部署
攻自壽州始是時宋齊丘為洪州節度使景召齊丘還金
陵以劉彥貞為神武統軍劉仁贍為清淮軍節度使以距
周師李穀曰吾無水戰之具而使淮兵斷正陽浮橋則我
背腹受敵乃焚其芻糧退屯正陽是時世宗親征行至圍
鎮聞穀退軍曰吾軍却唐兵必追之遣李重進急趨正陽
曰唐兵且至宜急擊之劉彥貞等聞穀退軍果以為怯急
追之比及正陽而重進先至軍未及食而戰彥貞等遂敗
彥貞之兵施利刃於拒馬維以鐵索又刻木為獸號捷馬

牌以皮囊布鐵蒺藜于地周兵見而知其怯一鼓敗之世
宗營于淝水之陽徙浮橋于下蔡景遣林仁茂等爭之不
得而周師取滁州景懼遣泗州牙將王知朗至徐州稱唐
皇帝奉書願効貢賦陳兄事之禮世宗不答景東都副留
守馮延魯光州刺史張紹舒州刺史周祚泰州刺史方訥
皆弃城走延魯削髮為僧為周兵所獲蘄州裨將李福殺
其刺史王承雋降周景益懼始改名景以避周廟諱遣其
翰林學士鍾謨文理院學士李德明奉表稱臣獻犒軍牛
五百頭酒二千石金銀羅綺數千請割壽濠泗楚光海六
州以求罷兵世宗不報今兵襲下楊泰景遣人懷蠟丸書
走契丹求救為邊將所執光州刺史張承翰降周十四年
三月景又遣司空孫晟禮部尚書王崇質奉表辭去單服

世宗猶不答前遣鍾謨等并晟崇質皆留行在而謨等請
歸取景表畫獻江北地世宗許之遣崇質德明等還始賜
景書曰自有唐失御天步方艱六紀于茲瓜分鼎峙自為
聲教各擅宗祊交結四夷憑陵上國華風不競否運所鍾
凡百有心孰不興憤朕擅一百州之富庶握三十萬之甲
兵農戰交脩士卒樂用苟不能恢復內地申畫邊疆便議
班旋真同戲劇至於削奪稱頌輸臣節孫權事魏蕭營
奉周古也雖然今則不取但存帝號何爽歲寒儻堅事大
之心必不迫人於險德明等還盛稱世宗英武景不悅宋
齊丘陳覺等皆以割地無益而德明賣國以圖利景怒斬
德明遣元帥齊王景達與陳覺溫錡許文鎮率兵趣壽春
景達將朱元等復得舒蕲泰三州夏大兩周師在揚滁和

者皆却諸將請要其險隘擊之宋齊丘曰擊之恐深不如
縱之以為德誠諸將閉壁無得要戰故周師皆集於壽州
世宗屯於渦口欲再幸祖州宰相范質以師老泣諫乃班
師以李重進攻廬壽向訓守揚州訓請奔揚州併力以攻
壽春乃封府庫付主者遣景舊將按巡城中秋毫不犯而
去淮人大悅皆負糗糧以送周師十五年景達遣朱元等
屯紫金山築甬道以餉壽州二月世宗復南征徙下蔡浮
橋于渦口為鎮淮軍築二城以夾淮周師連破紫金山諸寨
景達雖為元帥而兵事皆失於陳覺覺與朱元素有隙以
元素守貞客反覆難信景遣大將楊守忠代元且召之元
憤怒叛降于周諸軍皆潰許文鎮溫錡皆被執景達以舟
兵奔還金陵劉仁瞻病且死其副使孫羽等以壽州降于

周世宗班師景遣人焚揚州驅其士庶而去冬十月世宗復南征遂圍濠州濠州刺史郭廷謂告于周曰臣不能守一州以抗王師然願請命于唐而後降世宗謂之緩攻廷謂遣人請命于景景許其降乃降又取泗州周師步騎數萬水陸齊進軍士作檀耒之歌聲聞數十里十二月屯于楚州之北門交泰元年正月大赦改元周師攻楚州守將張彥卿鄭昭業城守甚堅攻四十日不可破世宗親督兵以洞屋穴城而焚之城壞彥卿昭業戰死周兵怒甚殺戮殆盡周師復取海泰揚州世宗幸迎鑾以臨大江景知不能支而耻自屈身去其名號乃遣陳覺奉表請傳國與其世子而聽命初周師南征無水戰之具已而屢敗景立獲水戰卒乃造戰艦數百艘使降卒教之水戰命王環將以

下淮景之水軍多敗長淮之舟皆為周師所得又造齊雲舡數百艘世宗至楚州北神堰齊雲舟大不能過乃開老鵲河以通之遂至大江初自恃水戰以周兵非敵且未能至江及覺奉使見舟師列于江次甚盛以為自天而下乃請曰臣願還國取景表盡獻江北諸州如約世宗許之始賜景書曰皇帝恭問江南國主勞其良苦而已是時揚泰滁和壽濠泗楚光海等州已為周得業遂獻廬舒蘄黃畫江以為界五月景下令去帝號稱國主奉周正朔特顯德五年也初孫晟使于周留不遣而世宗問晟江南虛實不對世宗怒殺晟周已罷兵景乃贈劉仁贍太師追封晟魯國公世宗遣鍾謨馮延魯歸國景復遣謨等朝京師手自書表稱天地父母之恩不可報又請降詔書同藩鎮遣

謨面陳頌傳位世子世宗遣謨等還國優詔以勞安之景以謨為禮部侍郎延魯戶部侍郎景為太子時延魯等皆出入東宮禮部尚書常夢錫自昇世屢言不可使延魯等近太子及景立延魯等用事夢錫每排斥之景既割地稱臣有語及朝廷為大朝者夢錫大咲曰君等嘗欲致君如堯舜今日自為小朝邪鍾謨素善李德明既歸而聞德明由宋齊丘等見殺欲報其冤未能發陳覺齊丘黨也與景相嚴續素有隙覺常奉使周還言世宗以江南不即聽命者嚴續之謀勸景誅續以謝罪景疑之謨因請使于周驗其事景已割地稱臣乃遣謨入朝謝罪言不即割地者非續謀願赦之世宗大驚曰續能為謀是忠其主也朕豈殺忠臣乎謨還言覺姦詐景怒流覺饒州殺之宋齊丘坐覺

黨誼放還青陽賜死以大弟景遂為洪州節度使燕王與為太子景困於用兵鍾謨請鑄大錢以一當十文曰永通泉貨負謨嘗得罪而大錢廢韓熙載又鑄鐵錢以一當二九月太子與卒次子從嘉封吳王居東宮鍾謨言從嘉輕肆請立紀國公從善景怒貶謨國子司業立從嘉為太子世宗使人謂景曰吾與江南大義已定然慮後世不能容汝可及吾世修城隍治要害為子孫計景因營緝諸城謀遷其都于洪州群臣皆不欲遷惟樞密使唐鑑替之乃升洪州為南昌建南都建隆二年留太子從嘉監國景遷于南都而洪州迫隘官府營廨皆不能容群臣日夕思歸景悔怒不已唐鑑慙懼發疾卒六月景卒年六十四從嘉嗣立以喪歸金陵遣使入朝頌復景帝號太祖皇帝許之乃謚

曰明道崇德文宣孝皇帝廟號元宗陵曰順陵

煜字重光初名從嘉景弟六子也煜為人仁孝善屬文工書畫而齒巨額駢齒一目重瞳子自太子其已上五子皆早亡煜以次封吳王建隆二年景遷南都立煜為太子留監國景卒煜嗣立於金陵母鍾氏父名泰章煜尊母曰聖尊后立妃周氏為國后封弟從善韓王從益鄭王從謙宜春王從度昭平郡公從信文陽郡公大赦境內遣中書侍郎馮延魯修貢于朝廷令諸司四品已下無職事者曰二員待制於內殿五年泉州留從効卒景之稱臣於周也從効亦奉表貢獻于京師世宗以景故不納從効問景遷洪州懼以為龔谷遣其子紹基納貢于金陵而從効病卒泉人因并送其族于金陵推立副使張漢思漢思老不任事州

人陳洪進逐之自稱留後煜即以洪進為節度使乾德二年始用鐵錢民間多藏匿舊錢舊錢益少商賈多以十鐵錢易一銅錢出境官不可禁煜因下令以一當十拜韓熙載中書侍郎勤政殿學士封長子仲遇清源公次子仲儀宣城公五年命兩省侍郎給事中中書舍人集賢勤政殿學士今夕於光政殿宿直煜引與談論煜嘗以熙載盡忠能直言欲用為相而熙載後房妓妾數十人多出外舍私侍賓客煜以此難之左授熙載右庶子分司南都熙載盡斥諸妓單車上道煜喜留之復其位已而諸妓稍稍復還煜曰吾無如之何矣是歲熙載卒煜嘆曰吾終不得熙載為相也欲以平章事贈之問前世有此比否群臣對曰昔劉穆之贈開府儀同三司遂贈熙載平章事熙載北海將

家子也初與李穀相善明宗時熙載南奔吳穀送至正陽酒酣臨訣熙載謂穀曰江左用吾為相當長驅以定中原穀曰中國用吾為相取江南如探囊中物爾及周師之征淮也命穀為將以取淮南而熙載不能有所為也開寶四年煜遣其弟韓王從善朝京師遂留不遣煜手疏求從善還國太祖皇帝不許煜嘗怏怏以國處為憂日與臣下酣宴愁思悲歌不已五年煜下令貶損制度下書稱教改中書門下省為左右內史府尚書省為司會府御史臺為司憲府翰林為文館樞密院為光政院諸士皆為國公以尊朝廷煜性驕侈好聲色又喜浮圖高談不恤政事六年內史舍人潘佑上書極諫煜收下獄佑自縊死七年太祖皇帝遣使召煜赴闕煜稱疾不行王師南征煜遣徐鉉周惟

簡等奉表朝廷求緩師不谷八年十二月王師克金陵九年煜俘至京師太祖赦之封煜肅命侯拜左千牛衛將軍其後事具國史予世家江南其故老多能言李氏時事云太祖皇帝之出師南征也煜遣其臣徐鉉朝于京師鉉居江南以名臣自負其來也欲以口舌馳說存其國其日夜計謀思慮言語應對之際詳矣及其將見也大臣亦先入請言鉉博學有材辨宜有以待之太祖笑曰弟亦非爾所知也明日鉉朝于廷仰而言曰李煜無罪陛下師出無名太祖徐召之升使畢其說鉉曰煜以小事大如子事父未有過失柰何見伐其說累數百言太祖曰爾謂父子者為兩家可乎鉉無以對而退嗚呼大哉何其言之簡也蓋王者之興天下必歸于一統其可來者來之不可者伐之僭

偽假竊期於掃蕩一平而後已予讀周世宗征淮詔恠其
 區區擴據前事務較曲直以為辭何其小也然世宗之英
 武有足喜者豈為其辭者之過歟據湯挽所撰江南錄云景
 交泰是歲盡獻淮南十四州畫江為界保大十五年正月改元
 也按五代舊史及世宗實錄顯德四年十月壬申世宗乃復南征五
 年正月丙午始克楚州二月己亥景始盡獻淮南諸州畫江為界當
 是保大十六年也悅等南唐故臣記其目見之事何其差繆而九國
 志紀年通譜之類但以悅書為正不復參較遂皆差一年至於景
 閩國是保大四年江南錄書於三年亦差一年已見閩世家注或疑
 景立踰年而改元則滅閩國當為三年周取淮南當為十五年不差
 但江南錄誤於景立之年改元保大所以常差一年也今知不然者
 以諸書參較閩人殺王延義當晉開運元年周師始伐南唐當顯德
 二年據景以初立之年即改元則開運元年為保大二年顯德二年
 為保大十三年今江南錄書延義被殺於二年周師始伐於十三年
 則是景立之年改元不誤而悅等書滅王氏割淮南自各差二年亦
 昇自晉天福二年建國至皇朝
 開寶八年國滅凡三十九年

五代史記卷第六十二

